



Woytek & Cholerzyna  
Sunder

N. 68



HEBDOMAS  
SANCTA  
P II  
SACERDOTIS:

*Sive*

XXXVI. perquam nervosæ  
MEDITATIONES,

Sacerdotum, & non Sa-  
cerdotum, octiduanæ Re-  
collectioni, imò & Menstruo  
usui, ad profectum Spiri-  
tuale mirè condu-  
centes.

*Itèni, pro commoditate*

SACERDOTUM  
ACCESSUS, & RECESSUS  
ALTARIS:

*Ac denique*

Deliciæ Eucharisticæ.

---

LOVICII

Typis Sux Primatialis Celsitudinis.



*Hoc Opus Triu  
Patris Rejclani No  
uati*

Sacerdotes Do-  
mini incensum,  
& panes DEO  
offerūt; & ideo  
sancti erūt Deo  
suo. *Levit. 21.*

*Aug. 7305*



Ad Sacerdotes Præfatio.

*V*erbum ad te, mi Sacerdos Christophile, aut si  
mauris, Christophore! Verbum ad te, qui toties attre-  
ctas divinissimum illud Verbum, & quinque verbis,  
de Pane, Verbi Carnem efficis. Verbum ad te! &  
quod illud Verbum? Ut ma-  
num subinde subtrahas de  
tabula, pedem detrahas à  
publicis, tecumque tantisper  
habites; & nunc ores, nunc  
legas, nunc mediteris: sed  
non nisi de lege Domini, in

absccondito clausi cubiculi,  
seu cordis angulo. Et nè de-  
sit reformari volenti medi-  
tandi materia, en tibi de-  
promptam è sacris paginis, &  
SS. PP. placitis piarum Me-  
ditationum hebdomadem, non  
sublimibus humane sapien-  
tiæ verbis, sed à Spiritu S.  
dictatis cælestis Theologiæ  
sententiis concinnatam. Ac-  
cipe eam, eo, quo datur, a-  
nimo; id est, filiali, fraterno,  
vel etiam paterno. Fruere,  
vale, & vive, sed sic, ut vi-  
vas Deo, ad aram non immem-  
or ejus, qui fuit, est, & erit  
**TOTUS TUUS.**

Heb-





# HEBDOMADÆ SANCTÆ

Dies I.

Finis vocationis ad statum  
Sacerdotalem.

*Ego elegi vos, ut eatis, &  
fructum afferatis, & fru-  
ctus vester maneat. Joa. 15.*

## MEDITATIO I.

*Ego elegi vos.*

**P***unctum I. Elegit te, Sa-  
cerdos Christophile, e-  
legit te DEUS, nullis tuis  
prævisis meritis; elegit te,*

forſan & tuis demeritis finè numero, ab æterno præviſis, elegit te, ex amore gratuito; elegit ex tot millibus; in infinitum, ſi poteſt, te melioribus; elegit te futurum Saullem, obſtreperum, rebellem, inobedientem, alio relicto Davide meliori te. 1. Reg. 15.

*Quid retribues?*

*Punctum II.* Elegit te Deus, à te non rogatus, tum, cùm rogare non poſſes, imò ſi potuiſſes, fortè præ malitia noluiſſes, aut præ ignavia rogare tæduiſſet. *Quid retribues?* quid pro illa miſericordia, quâ te ſic indignum reſpexit; non quia tu dignus, ſed quia mitis erat?

*Pun-*

*Punctum III.* Elegit te Deus, de mille periculis mundi hujus, ut esses unus de electis ejus.

*O Amor!* & tu illum non eligis? ô ingratitudo! cæcitas! non illum eligis, ut unicum, summum, infinitum bonum tuum? non eligis, non amplecteris, ut ultimum finem tuum? non eligis, non diligis sic te diligentem Deum tuum?

Propositum practicum:  
*Sincera intentio DEO in omnibus & per omnia serviendi ex puro amore.*

## MEDITATIO II.

*Ut eatis.*

*Punct. I.* Ut eatis de vir-

A 4 tute

tute in virtutem? quia peregrini sumus: peregrinus fiet, nec progrediatur, regreditur, teste Bernardo.

*Punct. II.* Ut eatis, memores, in quibus periculis, quæ nos undique circumdant; memores, coram quo? coram Judice, coram DEO, qui videt omnia; qui detonabit in reprobos horrifonum illud: *Discedite à me maledicti in ignem æternum.* Mat. 25.

*Punct. III.* Ut eatis de hora in horam, de die in diem, de anno in annum, de tempore brevi in longam æternitatem, de vita ad mortem, vel potius de morte ad vitam sempiternam.

Pro-

## Propositum practicum:

*Uendi memoriâ præsens DEI,  
moris, æternitatis, ut stimulo ad  
ambulandum cautè, & progredi-  
endum in virtute.*

## MEDITATIO III.

*Et fructum asseratis.*

*Punct. I.* Nemo non fru-  
ctum quærit laboris, & sudo-  
ris sui; quærit illum miles,  
quærit mercator, quærit ad-  
vocatus, & quis non? Quid  
verò tu Sacerdos Christophi-  
le, tu miles Christi, merca-  
tor cœli, advocatus anima-  
rum?

*Punct. II.* Fructum alii fa-  
ciunt trigesium, alii sexa-  
gesimum, alii centesimum,



*Mattb. 13.* Manent aliqui milites gregarii, alii mercatores tenues, alii advocati, sinè re, Nominales: quid tu Sacerdos in advocatura animæ, in mercatura cœli, in militia Christi? æmulare charismata meliora. *1. Cor. 12.*

*Punct. III.* Fructum afferunt in patientia, *Luc. 8.* milles in prælio, mercator in officina, nauta in pelago, venator in nemore, piscator in flumine. Quid tu Sacerdos, an fructum quæris in patientia? an semper ut piscator hamum, ut venator retia tendis? an vigiles flectis oculos in omnem plagam tibi subiectam, sicubi deprehendas paupe-

pauperem, sed in conspectu  
DEI pretiosam, Christi san-  
guine redemptam, gratiæ, &  
gloriæ, capacem animam?

Propositum practicum:

*Laborandi, tamen si fructus labori non  
respondeat:*

## MEDITATIO IV.

*Et fructus vester maneat.*

*Punct. I.* Non manet vo-  
luptas; temporalis est, & mo-  
mentanea, in ictu oculi dis-  
sipatur; non manet hominum  
existimatio; fumus est, uno  
spiritu dissipatur; non manent  
divitiæ, sunt terræ pugillus,  
qui quàm difficile paritur,

tam facilè perditur, ergo terra caduca vale.

*Punct. II. Quid verò mihi est in cælo? Psal. 72. Quàm stabilis, certus, perpetuus ille fructus, qui te diligentes manet, & manebit æternum, DEUS cordis mei? & à te, quid volui: aut velle potui super terram? quid: nisi fumum? nisi bullam? nisi terræ pugillum?*

*Punct. III. Non aliam ergo mercedem laboris, non alium industriæ fructum quære Sacerdos, nisi Dominum, qui est pars hæreditatis tuæ, & calicis tui. Psal. 15. v. 5.*

Pro.

## Propositum practicum:

*Fuga vanæ gloriæ, studium Divinæ,  
cujus gratiâ creati sumus.*

---

# HEBDOMADÆ SANCTÆ

Dies II.

**Beneficium Vocationis ad sta-  
tum Sacerdotalem.**

*Conserve me Domine, quoniam  
speravi in te; dixi Domino:  
Deus meus es tu, quoniam  
bonorum meorum non eges.  
Psal. 15.*

## MEDITATIO I.

*Dignitas vocantis.*

**Punct. I. DEUS est, ô Sa-  
cer.**

cerdos, vide, quem Dominum nactus: cui Domino servias? DEUS est, non est homo, non Angelus, non ulla creatura. DEUS est, cui homo, cui Angelus, cui servit omnis creatura. Deus est, dives in omnes; quantum fas est, alacritate, huic Domino servias?

*Punct. II.* Non eges, quia tu solus Deus, solus unicum, & omne bonum; solus, & unicus, omnis causa, radix, origo boni; solus, extra quem nullum bonum, in quo omne bonum, honestum, utile, delectabile; solus, æternum, immensum, infinitum bonum; solus tibi ab æterno  
sus-



sufficientissimus, nullius indignus, &c.

*Punct. III.* Non egēs ministerio meo, quia omnia serviunt tibi; non egēs ministerio ullius hominis; quia Angeli serviunt tibi; non egēs ministerio ullius creaturæ, quia Creator omnium. Quid ergo respicis ad me, dicat humilis Sacerdos, ad me, *pauperculum, & timentem sermones tuos?* Isa. 6.

Propositum practicum:

*Immolandi quotidie DEO sacrificium laudis: pro beneficio vocationis.*

## MEDITATIO II.

*Indignitas vocati.*

*Punct. I.* Ille DEUS, Do-  
mi-

minus: Creator, nullius e-  
gens: tu servus, servus inuti-  
lis, mendicus, pauper, pulex  
vividus, canis mortuus; pulvis,  
cinis, purum nihil, & ad te  
respicit magnus ille DEUS!

*Punct. II.* Ad te! qui om-  
nibus indiges, & cui omne  
non sufficit, nisi DEUS: ad  
te, qui terrâ indiges, in qua  
ambules; aëre, per quem re-  
spires; igne, qui te foveat;  
sole, qui te illuminet, cibo,  
qui te reficiat; veste, quæ te  
teget; DEO, qui te satiet.  
Et tamen!

*Punct. III.* Te respicit il-  
le, cui serviunt Angeli, &  
cum Angelis omnia? Et tu,  
quid cum his omnibus, pu-  
gil-

gillus terræ, terræ vermiculus? Tu quid cum Angelis, purissimis illis Spiritibus, qui terrenæ nil facis habent, qui nutum DEI accipiunt pro imperio? ah! non es Angelus, mi Sacerdos, sæpe nec homo es, ut jumentum factus insipiens. Et tamen ad te respicit DEUS, ut vocet ministrum suum! ô dignatio!

Propositum practicum:

*Iteratum ad DEUM suspirium cum Davide: Conserva me Domine; Et cum Thoma Kempensi: Adjuva me Domine in sancto proposito meo, Et Divino servitio tuo!*

MEDITATIO III.

*Altitudo Ministerii.*

*Punct. I. Hæc colligitur I.*

*ex*

ex potestate Ordinis: dicitur enim Sacerdoti ordinando: *accipe potestatem conficiendi*, non cælum, non terram; non quidquid pretiosum, & artificiosum est; sed, *Corpus, & Sanguinem D. N. J. C.* amplius dici non potest. Potestas hæc regiam, Angelicam, maternam Beatissimæ Virginis longè superat: huic enim dictum est: *Perficientur in te, quæ dicta sunt tibi à Domino*; at verò Sacerdos ipse conficit corpus Domini sui; quid sublimius?

*Punct. II.* Colligitur eadem sublimitas, ex potestate jurisdictionis, per quam Sacerdos cæli claviger est, & mundi totius iudex, solvens

& ligans super terram, quod solvendum, aut ligandum iudicaverit. *Joan.* 20.

*Punct. III.* Adde: quòd Sacerdos vocetur Angelus, *Malach.* 3. Sal terræ, lux mundi, lucerna supra candelabrum, *Matth.* 5. Pastor, Doctor, *Joan.* 10. & 21. Dispensator mysteriorum Dei, Episcopus, Pontifex, Præpositus. *1. Cor.* 4. 1. *Tim.* 3. *Tit.* 1. *Hebr.* 5. Vicarius ipsius Christi; ô mi DEUS, quid est homo, quia sic magnificas eum? *Nimis honorificati sunt amici tui.* *Psal.* 138.

f

Propositum practicum:

*Utraque hac potestate utendi, non per-*  
*fun-*



*functorie, sed cum omni sollicitudine, humilitate, modestia corporis, & animi.*

## MEDITATIO IV.

### *Ingratitudo Sacerdotis.*

*Cum in honore esset, non intellexit.*  
Psal. 28.

*Punct. I.* Non intellexit altitudinem status sui: hinc ad fordes, volutabra luti, ad vomitum cum canibus, & suis, hoc est impuris hominibus, se abjicit.

*Punct. II.* Non intellexit pretium potestatis sibi creditæ, pretium Corporis, & Sanguinis JESU Christi: & hinc vel administrare negligit, aut non nisi lucri tem-


po-

poralis gratiâ, aut ex acediosa consuetudine, aut cum tædio administrat.

*Punct. III.* Non intellexit pretium jurisdictionis, quâ peccatoribus cœlum referare potest, vel claudere; & indè tepor, & torpor in excipien-  
dis Pœnitentium confessionibus; ô mi Sacerdos, si cognovisses & tu!

Propositum practicum:

*Non negligendi gratiam, quæ in te est; quæ data est tibi per impositionem manuum. 1. Tim. 4.*





# HEBDOMADÆ SANCTÆ

## Dies III.

Gravitas peccati Sacerdotalis, & alia ad illud consequentia.

*Si inimicus meus maledixisset mihi, sustinuissem utique,*  
Psal. 54.

## MEDITATIO I.

*De peccato.*

*Punct. I. Tu verò homo unanimis. Psal. 54. Id est amice, dilecte mi, mi commensalis, qui mecum dulces capiebas cibos;*

cibos; tu velut alter Judas, post buccellam pretiosi corporis, intinctam in immaculato sanguine meo, tu reserasti cor tuum Sathanæ, claufisti DEO! ô perfidiam!

*Punct. II.* An non meritò conqueritur per Jeremiã Dominus: *Quid est, quòd Dilectus meus in domo mea fecit scelera multa?* Jer. 11. In domo mea, in Ecclesia, in altari; in loco sancto, in loco virtutum, in gymnasio amoris, &c.

*Punct. III.* *Fecit scelera multa.* Tu nôsti, quæ, & quanta deferas ad altare, vel auferas, ad tribunal pœnitentium, ad horas canonicas.

cas. Tu nôsti, necdum erubescis? *Exod. 3.* Jubetur Moyses Propheta sanctus exuere calceamenta de pedibus, priusquam montem ascendat, visurus, vel auditurus Dominum; tu ascensurus montem, ut tangas Dominum, non exues prius peccata per doloriferam, si potes, confessionem?

Propositum practicum:

*Puritas conscientie ante administrationem Sacramentorum.*

## MEDITATIO II.

*De morte.*

*Punct. I.* In hoc naturæ  
tri-



tributo, *erit sicut populus, sic  
& Sacerdos*. Isai. 24. *Statu-  
tum est*. Hebr. 9. statutum o-  
mnibus, excepto nemine; si-  
cut populus, sic & Rex, &  
Pontifex, & Sacerdos; imò  
& hæc omnia mortem aggra-  
vant. Time!

*Punct. II.* Statutum est se-  
mel mori: ah! semel tantum!  
ergo si semel, semper mise-  
rè. Sic semper vive, ut semel  
moriâre bene.

*Punct. III.* Bene moritur  
pius, sanctus, zelosus Sacer-  
dos, memor præstiti Christo  
à se obsequii, qui dicere pos-  
sit cum Jobo: *Credo, quòd Re-  
demptor meus vivit*, quem  
toties fide viva, mente pura,

B

cor.

corde perfecto contrectavi.  
 Malè moritur Sacerdos ma-  
 lus, memor impuris mani-  
 bus, impudicâ linguâ, impio  
 corde eum se suscepisse pa-  
 storem suum, quem paulò  
 pòst visurus sit Judicem, &  
 quo vultu? *ô mors! quàm a-  
 mara talibus est memoria tua?*  
 Eccli. 41.

Propositum Practicum:

*Sic vivendi ut optabimus mori.*

## MEDITATIO III.

*De judicio.*

*Punct. I. Exiguo facilè con-  
 ceditur misericordia; durissi-  
 mum verò iudicium his, qui  
 præsumunt, fiet. Sap. 6. Audi  
 hoc,*

hoc, qui constitutus es à Christo Judex, Sacerdos Christophile! audis? nec times?

*Punct. II. Ibi judicabuntur omnes justitiæ tuæ. Psal. 74. id est orationes, Sacrificia, Sacramentorum administratio, ægrorum cura, & visitatio, exhortatio, &c. quo zelo, sollicitudine, opportunitate sint exercitæ, an culpâ tuâ intermissæ!*

*Punct. III. Et scito, quòd pro omnibus his, adducet te DEUS in judicium. Eccl. 11. 9. Pro omnibus, quæ accepisti, talentis: quæ possedisti, bonis: quibus fruitus es, privilegiis; Cui enim multum*

*datum est, multum quæretur ab eo. Luc. 12. Noverat id optimus Magister morum Joannes Avila, qui de juvene Sacerdote mortuo post primitias: sat habet, inquit, in quo judicetur. Sat ille, mi Sacerdos? quantum ergo tu, qui toties sacrificas? utinam sanctè, religiosè, & modestè, &c.*

### Propositum practicum:

*Judicandi te ipsum, & discernendi causam tuam per examen conscientie, antequam Divina obeas mysteria.*

ME.

## MEDITATIO IV.

*De luctuosissimo statu Sacerdotum damnatorum.*

*Punct. I. Cecidit corona capitis nostri, vae nobis, quia peccavimus! Thren. 5. Sic ejulabunt, sed serò, miseri apud inferos, Sacerdotes: quia cum in honore essent, non intellexerunt. Exaggerari hoc potest consideratione Sacerdotis degradati, & execrati, quod omnino tragicum est, sed umbratile ad Sacerdotem damnatum.*

*Punct. II. Potentes potenter tormenta patientur. Sap. 6. Applica Sacerdoti, pote-*


state sua, quam habet, maximâ abutenti, & time.

*Punct. III. Quantum in deliciis fuit, tantum date illi tormentorum.* Apoc. 18. Delicias Regum habent quotidie Sacerdotes in mensâ Domini; væ! si præ his siliquas porcorum, id est, carnis voluptates ament, & quærant! væ! si nauseet eorum anima, ut olim Israëlitarum, super cibo isto, ut ipsi judicabant, levissimo! Num. 21. Erunt enim tunc hæ deliciæ, à Sacerdotibus sprete, instrumenta tormentorum in omnem æternitatem.

Propositum practicum:

*Timida, cauta, circumspecta conversatio.*

HEB.



## HEBDOMADÆ

## SANCTÆ

## Dies IV.

Fervor, & Zelus Sacerdo-  
talis.

*Qui facis Angelos tuos Spiri-  
tus, & ministros tuos ignem  
urentem. Psal. 103.*

## MEDITATIO I.

*De præmio ferventibus pro-  
posito.*

*Punct. I. Ubi ego sum, illic  
& Minister meus erit. Joan.  
12. At ubi est Sacerdos ille  
magnus, ille fervens anima-  
rum*



rum Pastor, ille indefessus  
venator? ubi est? non jam  
amplius in cruce, non sub  
cruce, non in horto, non in  
itineribus, montibus, valli-  
bus, & fatigatus, sitibundus,  
famelicus, sed in gloria Pa-  
tris, ibi, ubi omnia hæc ma-  
la exulant, omnia affluunt  
bona.

*Punct. II.* Ibi, ubi junc-  
tissima, pacifica, fraterna so-  
cietas sine invidia, sine rixa,  
sine rædio.

*Punct. III.* Ibi, ubi vide-  
bitur DEUS Deorum in Si-  
cn. Tunc videbis, ô pie Sa-  
cerdos, & afflues, & mira-  
bitur, & dilatabitur cor tu-  
um. Isa. 60.

Pro-

## Ptopositum practicum :

*Cooperandi invicem sine invidia, cum  
fervore in exercitiis Sacerdoti  
propriis.*

## MEDITATIO II.

*De labore, cui respondet præ-  
mium.*

*Tu verò vigila, in omnibus la-  
bora, ministerium tuum imple. 2.  
Tim. 4.*

*Punct. I. Vigila, id est in  
omnibus exercitiis vigil, ala-  
cer, excitatus esto. Vigila;  
quia advigilat, & observat  
DEUS remunerator tuus,  
Christus summus Sacerdos  
tuus. Vigila in omnibus vi-  
is tuis: quia advigilat, & cir-  
cuit*

cuit Sathan ut leo, quærens,  
quem devoret. 1. Pet. 5.

*Punct. II.* Labora; nun-  
quam otiosi debet Sacerdos,  
nisi eligat labi. Labora, id  
est: in omnibus conatum ad-  
hibe, nihil agas remissè, me-  
mor, cui labores. Labora,  
quomodo laborat extensis  
brachiis Moyses, quomodo  
luctans cum Angelo Jacob,  
quomodo sudans in horto  
Christus, quomodo sacrifi-  
cans Ignatius totus igneus.

*Punct. III.* Ministerium  
imple, id est: fac perfectè  
cum omnibus circumstantiis,  
& conditionibus, nihil mi-  
nue, nihil detrahe: *DEI e-*  
*nim perfecta sunt opera.* Deut.

## Propositum practicum:

*Pro DEI gloria, & animarum salute non recusandi laborem N.N. in particulari.*

## MEDITATIO III.

*De fervore in orando.*

*Orationi instate vigilantes. ad Colof. 4. 2.*

*Punct. I.* Spectat hæc cohortatio Pauli præcipuè Sacerdotem; quia legatus est, advocatus, orator, syndicus totius generis humani; & quod Christus est pro hominibus in cælo apud Patrem, hoc est Sacerdos apud Christum pro iisdem in terris. *Ex hominibus enim assumptus pro hominibus constituitur in*  
*iis,*

*iis, quæ sunt ad Deum.* Hebr.

5. Sicut ergo Christus gemitibus inenarrabilibus pro nobis interpellat, sic debet & Sacerdos.

*Punct. II.* Sacerdos Angelorum officium gerit in terris. Malach. 2. *Angelus Domini exercituum est*: nemo autem nescit, quid faciant in cœlis Angeli; assiduè circa DEUM intelligendum, amandum, laudandum, occupantur. Faciat hoc idem, quantum potest, Sacerdos in terris.

*Punct. III.* Est enim oratio fervens indicium bonæ vitæ, quod monet S. *August.* *Hom. 4. ex 50.* Ille novit rectè

rectè vivere, qui novit rectè orare.

**Propositum practicum :**

*Horas Canonicas, ut jubet Conc. Lateran. sub Innoc. III. studiosè quoad officium oris, & devote, quoad officium cordis recitandi.*

**MEDITATIO IV.**

*De fervore in Sacrificio Missæ.*

*Benedicite Sacerdotes Domini Domino. Dan. 3.*

*Punct. I.* Pontifex Magnus semel annuè ingrediebatur in sancta Sanctorum, & quanto cum aparatu? Figura fuit ille, quid faciat veritas? ille semel; Sacerdos, si vult, quotidie.

**C**

*Punct.*

*Punct. II.* Semel Filius DEI factus est homo, & quanta præparatio ab æterno? *In capite libri scriptum est de me, ut facerem, Deus, voluntatem tuam.* Psalm. 39. Quot prævia Prophetarum oracula, Angelorum vota, Patriarcharum desideria? quot præcessere præludia? mittitur Angelus, obumbrat Spiritus Sanctus, novem mensibus gestatur in utero: & tu quid facis Sacerdos Christophile?

*Punct. III.* S. Chrysostomus vult omnes universim Christianos à Sacra Synaxi reverti quasi leones ignem spirantes; vult interesse Missæ, ut in medio



Dies V. 39

medio Angelorum choro;  
quid non exigit à Sacerdote?

Propositum practicum:

*Orationes Ecclesie preparatorias ad  
Missam, & post eam; omni de-  
votione recitandi.*

---

## HEBDOMADÆ SANCTÆ

Dies V.

Perfectio Sacerdoti propria.

*Sacerdotes tui induantur Ju-  
stitiam. Psal. 131.*

### MEDITATIO I.

*Motiva perfectionis.*

*Punct. I. Debet Sacerdos*

C 2      ten-

tendere ad perfectionem vitæ, quia vult DEUS. Si enim de omnibus Christianis verum est illud Pauli 1. Theff. 4. *Hæc est enim voluntas DEI sanctificatio vestra*, & illud Christi Matth. 4. *Estote perfecti, sicut Pater vester*. Et iterum, Apostolus omnes Christianos Sanctos vocat. 2. Cor. 1. Eph. 1. Phil. 4. quanto magis hoc competit Sacerdoti, è reliquis selecto, & in sortem Domini vocato?

*Punct. II.* Multum datum est Sacerdoti. *Multum* ergo *quæretur* ab eo. Luc. 12. *Cum enim augmentur dona*, inquit Greg. Hom. 9. in Evang. *rationes etiam crescunt donorum*.  
*Punct.*

*Punct. III.* Exigit plus à  
Sacerdote tum illius status,  
ad alios sanctificandos desti-  
natus, tum officium, quod  
gerit, *Angelicis bumeris*, ut  
ajunt SS. PP. *formidandum.*

Propositum practicum:

*Sic vivendi inter homines, ut exem-  
plo non destruas, quod ædificas  
verbo.*

## MEDITATIO II.

*Idea perfectionis.*

*Qui mihi ministrat, me sequatur*  
Joan. 12.

*Punct. I.* Imaginem DEI  
per peccatum turpiter sceda-  
tam, & quasi erasam, ut DEI  
Filius ablueret, & instau-  
raret

raret, factus est homo; abluit suo sanguine, instauravit exemplô, & doctrinâ. Hoc ille, quid tu Sacerdos?

*Punctum II. Primus discendi ardor, nobilitas est Magistri*, inquit Ambr. L. 2. de Virg. Hinc tyrones optimum in qualibet arte Magistrum quærunt, quem imitentur & imitando proficiant, & perficiantur. Non est nobilior magister Christô dilectô Filiô, in quo bene complacuit eterno Patri. Matth. 16. Ipse ergo audiendus, & imitandus est, & imprimis à Sacerdote.

*Punct. III.* Si enim omnis Christianus cum S. Gregorio

rio dicat: *Omnis Christi actio, nostra est instructio; quanto magis Sacerdos, cui in Apostolis ejus præcessoribus ipse Christus dicit, Math. 23. Magister vester unus est Christus.*

**Propositum practicum:**

*Summo studio, quod monet Thomas à Kempis l. 1. de imit. c. 1. in vita JESU Christi meditandi.*

**MEDITATIO III.**

*Vita Christi, regula Sacerdotis. Induimini Dominum nostrum JESUM Christum. Rom. 13.*

*Punct. I. Sacerdos, sicut induit vestes Christi in Sa-*

crificio, ita decet in hoc & extra illud induere vitam, id est mores, & virtutes Jesu Christi, ut juxta Apostolum 2. Cor. 4. in ejus carne mortali, vita Christi manifestetur, verèque dicat: *Vivo autem, jam non ego, vivit verò in me Christus.* Ad Gal. 2.

*Punct. II.* Causa verò, cur Sacerdotes passim non expriment vitam Christi, hæc est: quòd secuti regulam alienam carnis, mundi, peccati, sensus, sermones, & actus non dirigant *secundum mensuram illius regulæ, quam mensus est illis DEUS.* 2. Cor. 10. deflecentes, ut mali tyrones, à proposito sibi prototypo.

*Punct.*

*Punct. III. Regula Christi.*  
prima fronte amara, usu dul-  
cescit; est enim jugum suave,  
& onus leve. Mattn. 11. *Ei*  
*quicumque hanc regulam secu-*  
*ti fuerint, pax super illos, &*  
*misericordia.* Ad Gal. 6.

**Propositum practicum:**

*Exemplo S. Caroli Borromæi, quo-*  
*tidie legendi unum caput è sancto*  
*Evangelio, quod ille faciebat fle-*  
*xo genu, dejecto capite.*

**MEDITATIO IV.**

*Perfecta administratio Sacra-*  
*mentorum.*

*Sic nos existimet homo, ut Ministros*  
*Christi, & dispensatores mysterio-*  
*rum DEI. Hic jam queritur in*



ter dispensatores, ut fidelis quis  
inveniat. 1. ad Cor. 4.

*Punct. I.* Dispensator fidelis in genere est, qui non mittit margaritas ante porcos, nec dat sanctum canibus. Matth. 7. Qui videt Ministerium, quod accepit à Domino, ut illud impleat. Coloss. 4. Qui non est similis aquæ baptismali, peccata baptizatorum diluenti, eosque mittendi ad cælum, cum ipsa post in cloacam descendat. Greg. Hom. de cura Past.

*Punct. II.* Dispensator fidelis Eucharistiæ is est, qui linea vasa, tabernacula, Domini corporis receptacula religiosè custodit, qui ad sum-

sumptionem Eucharistiæ par-  
vulos capaces erudit, & præ-  
parat, adultos rudes instru-  
it, obliviosos commonefacit,  
tardos compellit, indignos  
repellit, neminem negligit.

*Punct. III.* Dispensator fi-  
delis pœnitentiæ est is, qui  
promptè sedet pro tribunali,  
dum reus adest, pauper ju-  
xta ac dives; qui examinat,  
ponderat, judicat ex æquo;  
qui non absolvit nisi dispo-  
situm; qui non dimittit, nisi  
consiliô, vel cohortatione  
sua meliorem.

Propositum practicum:

*Reflectendi practicè ad hæc tris.*



# HEBDOMADÆ SANCTÆ

Dies VI.

Virtutes internæ Sacerdotis.

*Decet nos (Sacerdotes) im-  
plere omnem justitiam.*

Matth. 3.

## MEDITATIO I.

*De humilitate.*

*Discite à me, quia mitis sum, &  
humilis corde. Matth. 11.*

*Punct. I.* Disce Sacerdos  
Christophile, disce à Chri-  
sto Sacerdote magno, imò  
maximo, sed in Eucharistia  
mini-

minimo, quàm te docet, non tam verbo quàm opere, ex cathedra vilium specierum, virtutem profundissimæ humilitatis, & erubescere ad tuam intolerabilem arrogantiam.

*Punct. II.* Vilis hìc illi est habitatio, in sordidis sæpe tabernaculis, inter digitos impuri Sacerdotis, in corde subdito peccatis, cui cœlum sedes est.

*Punct. III.* Pauper illi amictus, nullus comitatus; & hinc fannis, & probris hæreticorum exponitur.

O JESU! quis sensus mihi sit hæc cogitanti, & inter pollutos digitos meos, in o-

tiosa, detractoria, maledica  
lingua, impuro corde, in  
cloaca sordium, in sentina  
scelerum, te contemplant?

O! mi magne DEUS, da  
sensum aliquem similis hu-  
militatis: da: ut, cujus Ma-  
jestatem non possum assequi,  
saltèm imitari studeam hu-  
militatem!

Da mihi teneros hujus vir-  
tutis affectus, quoties dico  
celebraturus: *Confiteor DEO*,  
quoties ingemino: *Domine  
non sum dignus. Nobis quo-  
que peccatoribus! Mea culpa!*

Da: ut non minùs corde,  
quàm corpore me profun-  
dè abjiciam coram te, ut ma-  
gna, sed humilis Mater tua;

ma-

magnus, sed in oculis suis  
parvus Joannes præcurfor  
tuus.

Propositum practicum:

*Fiat! fiat! ô JESU fiat! Amen.*

## MEDITATIO II.

*De mansuetudine.*

*Fratres, etsi præoccupatus fuerit ho-*  
*mo in aliquo delicto, vos, qui spi-*  
*rituales estis, hujusmodi instruere*  
*in spiritu lenitatis, considerans te*  
*ipsum, &c. Ad Gal. 6.*

*Punct. I.* Christus totus  
mitis in vultu, verbo, ope-  
re. Ex oculis clucent suaves  
benignitatis radii; ex ore  
dulcis spirat lenitatis favoni-  
us; in toto corpore agnus  
est,

est, præsertim in Eucharistia; quid tu Sacerdos?

*Punct. II.* Et tamen hunc agnum toties attrectas, toties illo vesceris, cum hoc agno habitas, prandes, cœnas, ambulas, dormis; quidni agnum tandem induis, manes usque modò, *sicut leo in domo tua?* Eccli. 4.

*Punct. III.* Pretiosior debet hæc virtus esse Sacerdoti, quàm ut verbo vel signo venalem habeat, nil lucraturus, postquam eam perderit, nisi animi inquietudinem, & DEI vindictam.

Propositum practicum:

*Petendi à Christo augmentum hujus virtutis, dum dicitis: Ecce Agnus DEI.*

ME.



## MEDITATIO III.

*De obedientia.*

*Ministri ejus, qui facitis voluntatem ejus. Psal. 120.*

*Punct. I.* DEUS singulariter amat obedientiam, quam coronavit in Abrahamo, punivit verò tot jam sæculis in Adamo, & posteris ejus, unius hominis inobedientiam: placere vis DEO? obedi. *Melior est enim obedientia, quàm victima. 1. Reg. 15.*

*Punct. II.* Volens placet DEO. DEI Filius ab æterno, voluit in tempore obedire: *In capite libri scriptum est de me, ut facerem voluntatem tuam, DEUS meus volui.*  
Psal.

Pfal. 39. *Ita Pater.* Matth. 11. *Meus cibus est, ut faciam voluntatem ejus.* Joan. 4. *Erat subditus illis.* Luc. 2. Deus, Dominus, Creator; hominibus, servis, creaturis, admirare! imitare!

*Punct. III.* Obedientiam hanc maximè patefacit in Ven. Eucharistia, quando vocatus à Sacerdote adest toties, *obediente DEO voci hominis.* Jos. 10. O prodigium! DEUS obedit homini, & tu homo non obedis Deo? Deo, cujus Minister es?

Propositum practicum:

*Obediendi simpliciter, sine contradictione; promptè sine dilatione; alacriter sine querela, perseveranter sine tædio.* ME

## MEDITATIO IV.

*De castitate.*

*Lavamini, mundi estote. Isa. 1. Mundamini, qui fertis vasa Domini. Isa. 52.*

*Punct. I.* Exigit hanc munditiam cordis & corporis à Sacerdote Christus: quia ipse Virgo, natus de Virgine, inter lilia, id est, Virgineas mentes pascitur, & in niveo specierum Eucharisticarum throno requiescit; quantus amator puritatis, tantus asor omnis immunditiei, præsertim in Ministris suis.

*Punct. II.* Hi enim officio Angeli sunt, & Angelorum Dominum manibus suis contre-

trectant; & quam puræ sint, oportet, hæ manus, hæc lingua, hoc cor, &c. Continebant se olim Sacerdotes legis antiquæ tempore vicis, quid non te deceat, Sacerdos Christophite, dum non affistis, sed fers Deum tuum?

*Punct. III.* Munditiem clamant plerique ritus, quos adhibes in Sacrificio 1. alba, quâ indueris, eaque ex lino non lana, cujus radix caro est animalium. 2. Cingulum, quo cingeris cum apta oratione. 3. Lotio manuum. 4. Prius quàm legas Evangelium, oratio: *Munda cor meum*, &c. & si hoc requiritur ad dignam Ewangelii lectionem,

nem, quid non ad Domini-  
ci corporis consecrationem,  
& contrectationem?

Propositum practicum:

*Cohibendi sensus externos, ut in ani-  
mo sis, continens.*

# HEBDOMADÆ

## SANCTÆ

### Dies VII.

Virtutes externæ Sacerdotis.

*Luceat lux vestra coram ho-  
minibus. Matth. 5.*

## MEDITATIO I.

*De prudentia Sacerdotis in  
exterioribus.*

*Esote prudentes sicut serpentes.*

*Matth. 10.*

*Punct.*

*Punct. I.* Mittitur in medio luporum Sacerdos, quem innocentia vitæ oportet esse oviculam; sed quo modo evadet? prudentia opus est, non hujus mundi, hæc enim stultitia est coram Deo; quia finem non respicit, adeoq; qui hanc sequuntur, turpiter cadunt.

*Punct. II.* Prudentia Christi eadem est cum providentia; oportet ergo Sacerdotem esse providum, cautum, circumspectum; &, ut inquit Michæas Propheta: *Solicitem ambulare cum Deo suo.* Mich. 6. vadit enim in medio luporum, & latronum.

the-

*thesaurum portans in vase fictili. 2. Cor. 4.*

*Punct. III.* Serpentes caput custodiunt, aures sepiunt, supra petram repunt, ita Sacerdos caput, hoc est principium agendorum custodiat, & ad Deum referat; sit surdus, dum blanditur caro; petræ, hoc est Christo, innititur: ut non vacillet in proposito.

Propositum practicum:

*Quidquid agas, finem respiciendi.*

## MEDITATIO II.

*De modestia Sacerdotis.*

*Modestia vestra nota sit omnibus hominibus. Phil. 4.*

*Punct. I.* Christus modestus

stissimus Virginis filius nihil egit tumultuosè, præprope-re, perturbatè, clamosè: sed omnia ad leges modestiæ, etiam in conviviiis, in injuriis, &c. Sed ante omnia in convivio amoris, in ultima cœna, quando accepit panem in sanctas ac venerabiles manus suas, & elevatis oculis in cœlum, gratias agens benedixit. *Can. Miss.* Vide hîc modestissimè composita omnia: manus, linguam, oculos, totum corpus! vide, vide vivum exemplar modestiæ Sacerdotalis.

*Punct. II.* Oportet, ut hanc Sacerdos in se ad vivum exprimat: quia Angelus est, quia

qu  
lis,  
luc  
sit  
in  
mi  
nem  
ber  
Ber  
fac  
aute  
mia

P  
Vita  
&

M  
De



quia spectaculum fit Angelis, quia lux est mundi, & lucerna supra candelabrum posita. Matth. 5. Et præsertim in illo plusquam Angelico ministerio, quo & ipse panem accipit, & gratias agens benedicit.

*Punct. III.* Nugæ, inquit Bern. l. 2. de cons. 15. inter sæculares nugæ sunt, in ore autem Sacerdotis blasphemix,

Propositum practicum:

*Vitandi cachinnos, rixas, clamores,  
&c. quæ non decent Sanctos.*

### MEDITATIO III.

*De cbaritate proximi activa.*

D

Hoc

*Hoc est præceptum meum, ut diligatis invicem. Joan. 15.*

*Punct. I.* En hîc notam characteristicam, quâ te ipse discernas Sacerdos, discipulus Christi sis, an non? si enim diligis, eris; secus, si non diligis, veritas dicit, aliter esse non potest: at quomodo tu diligis, quem non fers, quem ægre aspicias, cui vis, & dicis malè? non ita Christus.

*Punct. II.* Probatio dilectionis, inquit M. Gregorius, *exhibitio est operis*; charitas oportet, ut sit activa, non otiosa; vivit in opere, non pascitur verbis; ais, diligo, credo, si quod dicis, facis;

facis; si non facis, mendax es; diligis, si adjuvas indigentem, si errantem erigis, si peccantem corrigis, sed spiritu lenitatis; ita Christus.

*Punct. III.* Proximus tuus vel est Sacerdos, ut tu, & est frater, & condiscipulus tuus, vel laicus est, & est filius spiritualis 1. Cor. 4. *in Christo ego vos genui.* Sed & fratrem, & filium lex naturæ dictat diligendum. Fac ergo.

### Propositum practicum:

*Diligendi proximum, ut te ipsum efficaciter, suaviter, fortiter, promiscue, bonos, malos, amicos, inimicos, gratos, ingratos, &c.*

D 2

ME..

## MEDITATIO IV.

*De zelo animarum.*

*Ecce ego mittam multos venatores,  
& venabuntur eos, & piscatores  
multos, & piscabuntur eos. Je-  
rem. 16.*

*Punct. I.* Incredibilis Chri-  
sti zelus patet in Evangeli-  
is, maximè in convertendo  
Juda, si voluisset; ad quem  
imitandum obligatur Sacer-  
dos curatus; quia piscator,  
quia venator, quia Pastor.  
Ergo piscator es? semper ti-  
bi pendeat hamus. Venator  
es? semper tua retia pande,  
ut feram aliquam, id est ef-  
feratam animam capias ad  
pœnitentiam. Pastor es? pa-  
sce

pasce commissum tibi gregem?  
pasce verbo, exemplo, ora-  
tione; ut Christus.

*Punct. II.* Occasio, errat  
è tuis oviculis, & hæret in  
bivio, à te vult erigi; cali-  
gat, à te lucem petit; pec-  
cat, à te vult corrigi; hæsi-  
tat, à te vult instrui; negli-  
gis hoc? Pastor non es, sed  
idolum; venator non es, sed  
persecutor animarum; vigi-  
las, sed in lucrum tuum, non  
in illarum salutem: aliter  
Christus; hunc imitare.

*Punct. III.* Motivum Jac.  
5. qui converti fecerit pecca-  
torem ab errore viæ suæ, sal-  
vabit animam ejus à morte,

*Et operiet multitudinem peccatorum. Fac ergo.*

Propositum practicum:

*Instandi, arguendi, obsecrandi, increpandi cum omni patientia, Et doctrina. 2. Timoth. 4. 2.*

---

## HEBDOMADÆ

### SANCTÆ

#### Dies VIII.

*Virtutes Sacerdotis unitivæ cum DEO.*

*Ego dilecto meo, Et ad me conversio ejus. Cant. 7.*

### MEDITATIO I.

*De amore DEI.*

*Simon diligis me plus his? Joan.*

*Punct. I.* Christus incredibiliter & ineffabiliter amavit, & amat æternum Patrem, plùs his, id est, plùs omnibus universim Sanctis Scintillam immensi hujus amoris prodidit in ultima cœna, quando elevatis oculis, ô quanto affectu! ad te Deum Patrem suum, tibi gratias agens, &c. Imitare, Sacerdos, quod admiraris.

*Punct. II.* Quilibet enim Sacerdos obligatur ad DEUM super omnia, & præ omnibus diligendum, tum quia prior, & præ omnibus ab illo dilectus est; tum quia quotidie versatur in ista ardentissima fornace amoris ad

D 4      ignem

ignem Eucharisticum, quod si non incalescat, glacies fit, & saxum.

*Punct. III.* Vox amoris est, quam usurpabat S. Franc. Salesius: *Omnia licent: dummodo non offendatur Deus.*

Propositum practicum:

*Hæc erit deinceps agendi, & vivendi regula: Licent omnia; sed cave, offendas Deum, super omnia dilectum.*

## MEDITATIO II.

*De Zelo Divinæ gloriæ.*

Glorificate, & portate Deum in corpore vestro: 1. Cor. 6.

*Punct. I.* Hoc admirabili zelo Christus incensus, ubique Patris gloriam propagabat:



bat: modo enim ostendit illius magnificentiam: *Simile est regnum cælorum regi*; modò amorem: *Homo quidam fecit cænani magnam*; modò iustitiam: *Redde rationem*: modò misericordiam; *Homo quidam descendit*; modò excellentiam: *Pater major me est*, modò subjectionem suam: *Ità Pater!* Sed hoc maximè in ultima cæna, in horto, in cruce, in tota passione, cujus memoriale est Sacrificium Missæ.

*Punct. II.* Tu verò ó homo Dei, sic te compellat, quisquis Sacerdos es, Apostolus 1. *Tim.* 2. quomodo insistis vestigiis Sacerdotis Magni?

gni? quomodo zelas pro gloria ejus? tu, qui deputatus es gloriæ illius propagandæ, qui toties ingeminas: *Gloria in excelsis! &c. &, omnis honor, & gloria!*

*Punct. III.* Elias fugam, persecutionem, exilium, famam, sitim sustinuit, *Zelo zelatus pro Domino DEO. 3. Reg. 19.*

Propositum practicum:

*Initandi hunc zelum, etiam cum damno propriæ commoditatis, N. N.*

## MEDITATIO III.

*De actibus Religionis.*

*Adorare eum omnes Angeli ejus.*

*Psal. 96.*

*Punct.*

*Punct. I.* Religiosissimo cultu Christus jam conceptus velut Sacrificium matutinum in utero matris; jam natus & adultus, in stabulo, in templo, in montibus, in desertis tamquam diurnum: moriens in cruce, ceu vespertinum Sacrificium se ipsum obtulit æterno Patri, quâ reverentiâ, nemo novit, nisi qui noverat, quo cultu dignus esset supremus omnium conditor.

*Punct. II.* Confundamur oportet, proposito nobis cultu, quem exhibebant Sacerdotes antiquæ legis Arcæ, & Sanctuario, propter assertas in eis tabulas Moyſis, vir-

virgam Aaronis, panes propositionis, &c. & hæ quidem umbræ erant, & figuræ; quid nos damus luci & veritati? quid Ven. Eucharistiæ? quid templis, quid aris, quid tabernaculis?

*Punct. III.* Post virtutes tres Theologicas, palmam fert religio, quâ volumus DEO debitum cultum propter illius infinitam excellentiam. Sit ergo.

### Propositum practicum:

*Iterandi actus religionis (cùm genua flectis in Sacrificio, cùm oscularis altare, cùm caput inflectis) & cum his externis ritibus, jungendi actus internos.*

ME-

## MEDITATIO IV.

*De unione Sacerdotis cum  
DEO, per conformitatem  
voluntatis.*

*Ut omnes unum sint, sicut tu Pater  
in me, & ego in te, ut & ipse  
in nobis unum sint. Joan. 17. v.  
21.*

*Punct. I.* Hæc est affectuo-  
sissima piissimi JESU ad Pa-  
trem oratio, ut omnes disci-  
puli, & inter se, & cum Pa-  
tre concordēs sint, & unani-  
mes; hæc est ultima Christi  
morituri, & testantis volun-  
tas, ut secum, cum Patre, &  
inter nos unum simus, qui-  
cunque Sacerdotes sumus.

*Punct. II.* Et est hæc qui-  
dem

dem illius æquissima voluntas, & petitio: quod enim petit, hoc suum est, & Patris, nostra scilicet voluntas, & cor nostrum. Ergo injustus es, si neges: dat tibi cor suum, & quidquid habet, & toties ergo ingratus es, si te neges; ideo dat se tibi, ut tu des te illi; ergo stultus es, si neges: cui enim reservas te? tibi? sed jam perdis: mundo? sed quo pretio? inani, vano, ludicro, momentaneo. Ergo da te JESU tuo: ipse petit; immitis es, si roganti neges id, quod imperio extorquere potest.

*Punct. III. Si credentium  
erat inter se cor unum, & ani-  
ma*

*ma una.* Actor. 4. 32. Quo-  
modo potest non esse unum  
cor tuum cum corde JESU,  
una voluntas cum voluntate  
illius, qui toties tibi per S.  
Communionem unitur? Sed  
expectat à te liberum con-  
sensum, hunc quomodo ne-  
gabis? Sponsus est, & tu  
Sponsa, indigna hoc nomi-  
ne, si neges: non est com-  
munio, si non est unio vo-  
luntatum reciproca. Fac ergo

### Propositum practicum:

*Et dic: O bone JESU! per tuam  
gratiam dico medullitus ad Patrem  
meum, ad Te, ad Spiritum san-  
ctum: Deus meus, & omnia!  
Dilectus meus mihi, & ego il-  
li! Ego dilecto meo, & ad me*

conversio ejus. Ex nunc avertō  
voluntatem meam à me, & ad  
te unum, per plenam ad omnia  
resignationem converto, Fiat! ó  
fiat voluntas tua!

## ADMONITIO

*Ad non Sacerdotes.*

Si quæreris, te Sacerdo-  
tem non esse, qui hæc legis,  
ajo te esse, si vis, eo sensu,  
quo Regius Vates quemlibet  
*hominem* cohortatur, ut *in-*  
*molet Deo Sacrificium laudis.*  
Psal. 49. Spectat igitur & ad  
te, qui Christianus es, hæc  
commonitio Pauli 2. Ti-  
moth. 1. *Admoneo te, ut re-*  
*suscites gratiam Dei, quæ est*  
*in*



[illegible]

Adjunctis perpulchris preci-  
bus, ante & post Missæ  
celebrationem, seu com-  
munionem.

W. Domine labia mea aperies.

R. Et os meum annuntiabit  
laudem tuam. *ψ.* Deus in  
adjutorium meū intende.

R. Domine ad iuvandum me  
festina.

Gloria Patri, & Filio, & Spi-  
ritui &c.

*Hymnus.*

**V**eni Creator Spiritus,  
Mentes tuorum visita.  
Imple supernâ gratiâ,  
Quæ tu creâsti, pectora.  
Qui diceris Paraclitus,  
Altissimi Donum Dei,  
Fons vivus, ignis, charitas,  
Et spiritalis unctio.

Tu septiformis munere,  
Digitus Paternæ dexteræ,  
Tu rite promissum Patris,  
Sermonem ditans guttura.

Ac

unciabit  
Deus in  
ntende.  
lum me

, & Spi

tus,  
visita.

ra.

tus,

aritas.

ere,

ra,

tris,

a.

Ac

Accende lumen sensibus,  
Infunde amorem cordibus,  
Infirma nostri corporis  
Virtute firmans perpeti.

Hostem repellas longius,  
Pacemque dones protinus,  
Ductore sic te prævio  
Vitemus omne noxium.

Per te sciamus, da, Patrem,  
Noscamus atque Filium,  
Téque utriusque Spiritum  
Credamus omni tempore.

DEO Patri sit gloria,  
Et Filio, qui à mortuis  
Surrexit, ac Paraclito,  
In sempiterna sæcula, Amen.

*Antiphona.*

**N**E reminiscaris, Domine,  
delicta nostra, vel paren-  
tum nostrorum, neque vin-

dictam sumas de peccatis nostris.

*Psalms* 83.

**Q**Uam dilecta tabernacula tua, Domine virtutum: concupiscit, & deficit anima mea in atria Domini.

Cor meum & caro mea exultaverunt in Deum vivum.

Etenim passer invenit sibi domum; & turtur nidum sibi, ubi ponat pullos suos.

Altaria tua Domine virtutum; Rex meus & DEUS meus.

Beati, qui habitant in domo tua, Domine: in sæcula sæculorum laudabunt te.

Beatus vir, cujus est auxilium

lium abs te: ascensiones in  
corde suo disposuit in valle  
lachrymarum, in loco, quem  
posuit.

Etenim benedictionem  
dabit legislator; ibunt de vir-  
tute in virtutem: videbitur  
Deus Deorum in Sion.

Domine Deus virtutum  
exaudi orationem meam; au-  
ribus percipe Deus Jacob.

Protektor noster aspice  
Deus: & respice in faciem  
Christi tui.

Quia melior est dies una  
in atriis tuis: super millia.

Elegi abjectus esse in do-  
mo Dei mei: magis quàm ha-  
bitare in tabernaculis pecca-  
torum.

E 5

Quia

Quia misericordiam, & veritatem diligit Deus: gratiam, & gloriam dabit Dominus.

Non privabit bonis eos, qui ambulant in innocentia: Domine virtutum, beatus homo, qui sperat in te.

Gloria Patri, & Filio, &c.

*Psalmus 84.*

**B**enedixisti Domine terram tuam, avertisti captivitatem Jacob.

Remisisti iniquitatem plebis tuæ: operuisti omnia peccata eorum.

Mitigasti omnem iram tuam: avertisti ab ira indignationis tuæ.

Converte nos Deus salutaris

taris noster: & averte iram  
tuam à nobis.

Nunquid in æternum ira-  
scêris nobis? aut extends i-  
ram tuâ à generatione in ge-  
nerationem?

Deus, tu conversus vivi-  
ficabis nos; & plebs tua læ-  
rabitur in te.

Ostende nobis, Domine,  
misericordiam tuam: & salu-  
rare tuum da nobis.

Audiam, quid loquatur in  
me Dominus Deus: quoni-  
am loquetur pacem in ple-  
bem suam:

Et super Sanctos suos: &  
ad eos, qui convertuntur ad  
cor.

Verumtamen prope ti-  
men-

mentēs eum salutare ipsius ;  
ut inhabitet gloria in terra  
nostra.

Misericordia, & veritas  
obviaverunt sibi: Justitia, &  
pax osculatæ sunt.

Veritas de terra orta est:  
& justitia de cœlo prospexit.

Etenim Dominus dabit be-  
nignitatem: & terra nostra  
dabit fructum suum.

Justitia ante eum ambula-  
bit: & ponet in via gressus  
suos.

Gloria Patri, & Filio, &c.

*Psalms 85.*

**I**Nclina Domine aurem tu-  
am, & exaudi me: quoni-  
am inops, & pauper sum  
ego.

Cu-



Custodi animam meam,  
quoniam sanctus sum: sal-  
vum fac servum tuum, De-  
us meus, sperantem in te.

Miserere mei Domine,  
quoniam ad te clamavi tota  
die: lætifica animam servi  
tui; quoniam ad te, Domi-  
ne, animam meam levavi.

Quoniam tu Domine sua-  
vis & mitis, & multæ mise-  
ricordiæ omnibus invocan-  
tibus te.

Auribus percipe Domine  
orationem meam: & inten-  
de voci deprecationis meæ.

In die tribulationis meæ  
clamavi ad te: quia exaudi-  
sti me.

Non est similis tui in Diis

Domine: & non est secundum opera tua.

Omnes gentes, quascunque fecisti, venient, & adorabunt coram te Domine: & glorificabunt nomen tuum.

Quoniam magnus es tu, & faciens mirabilia: tu es DEUS solus.

Deduc me, Domine, in via tua, & ingrediar in veritate tua: lætetur cor meum, ut timeat nomen tuum.

Confitebor tibi, Domine Deus meus, in toto corde meo: & glorificabo nomen tuum in æternum.

Quia misericordia tua magna est super me: & eruiisti  
ani-

animam meam ex inferno inferiori.

DEUS iniqui insurrexerunt super me, & synagoga potentium quæsierunt animam meam: & non proposuerunt te in conspectu suo,

Et tu Domine DEUS, miserator & misericors: patiens, & multæ misericordiæ, & verax.

Respice in me, & misere-re mei, da imperium tuum puero tuo: & saluum fac filium ancillæ tuæ.

Fac mecum signum in bonum, ut videant, qui oderunt me, & confundantur: quoniam tu Domine adiuvisti me, & consolatus es me.

Glo-

Gloria Patri, & Filio, &c.

*Psalmus 115.*

**C**Redidi, propter quod locutus sum: ego autem humiliatus sum nimis.

Ego dixi in excessu meo: omnis homo mendax.

Quid retribuam Domino: pro omnibus, quæ retribuit mihi?

Calicem salutaris accipiam: & nomen Domini invocabo.

Vota mea Domino reddam in conspectu omnis populi ejus: in atriis domus Domini, in medio tui Jerusalem.

Gloria Patri, & Filio, &c.

*Psal-*

*Psalmus 129.*

**D**E profundis clamavi ad  
te Domine: Domine ex-  
audi vocem meam.

Fiant aures tuæ intenden-  
tes: in vocem deprecatio-  
nis meæ.

Si iniquitates observave-  
ris Domine: Domine quis  
sustinebit?

Quia apud te propitiatio  
est: & propter legem tuam  
sustinui te, Domine.

Sustinuit anima mea in ver-  
bo ejus: Speravit anima mea  
in Domino.

A custodia matutina usque  
ad noctem: speret Israël in  
Domino.

Quia apud Dominum mi-  
seri-

sericordia: & copiosa apud  
eum redemptio.

Et ipse redimet Israël: ex  
omnibus iniquitatibus ejus.

Gloria Patri, & Filio, &c.

*Antiphona.*

**N**E reminiscaris Domine  
delicta nostra, vel paren-  
tum nostrorum: neque vin-  
dictam sumas de peccatis no-  
stris. Kyrie eleyson. Christe  
eleyson. Kyrie eleyson. Pa-  
ter noster.

ψ. Et nē nos in ducas in  
tentationem. R. Sed libera  
nos à malo. ψ. Ego dixi, Do-  
mine miserere mei. R. Sana  
animam meam, quia pecca-  
vi tibi.

ψ. Convertere Domine ali-  
quan-

quantulum. R. Et deprecare  
super servos tuos. V. Fiat  
misericordia tua Domine su-  
per nos. R. Quemadmodum  
speravimus in te. V. Sacer-  
dotes tui induantur iustitiam.

R. Et Sancti tui exultent.  
V. Ab occultis meis munda  
me Domine. R. Et ab alienis  
parce servo tuo. V. Domine  
exaudi orationem meam. R.  
Et clamor meus ad te veniat.  
V. Dominus vobiscum. R.  
Et cum Spiritu tuo.

*Oremus.*

**A**ures tuæ pietatis, mitis-  
fime Deus, inclina pre-  
cibus nostris, & gratiâ san-  
cti Spiritûs illumina cor no-  
strum: ut tuis mysteriis dig-  
nè

nè ministrare, tèque æterna  
charitate diligere mereamur.

**D**Eus, cui omne cor patet,  
& omnis voluntas loqui-  
tur, & quem nullum latet  
secretum, purifica per in-  
fusionem S. Spiritûs cogita-  
tiones cordis nostri, ut te  
perfectè diligere, & dignè  
laudare mereamur.

**U**Re igne sancti Spiritûs  
renes nostros, & cor no-  
strum, Domine: ut tibi casto  
corpore serviamus, & mun-  
do corde placeamus.

**M**Entes nostras, quæsumus  
Domine, Paraclitus,  
qui à te procedit, illuminet,  
& inducat in omnem, sicut  
tuus promisit filius, verita-  
tem.

Adsit

A  
san  
cler  
om  
D  
tio  
eoc  
&  
tio  
C  
do  
mi  
fil  
no  
Q  
in  
us  
lo



**A**Dsit nobis, quæsumus Domine, virtus Spiritûs sancti, quæ & corda nostra clementer expurget, & ab omnibus tueatur adversis.

**D**Eus, qui corda fidelium sancti Spiritûs illustratione docuisti: da nobis in eodem Spiritu recta sapere, & de ejus semper consolatione gaudere.

**C**onscientias nostras, quæsumus Domine, visitando purifica; ut veniens Dominus noster Jesus Christus filius tuus, paratam sibi in nobis inveniat mansionem. Qui tecum vivit & regnat in unitate Spiritûs sancti Deus, per omnia sæcula sæculorum, Amen.

*Ora-*

• *Orationes ante Missam cum  
Actibus Contritionis.*

**O** Benignissime Creator  
coeli, & terræ, Domi-  
ne Deus meus, ecce in con-  
spectu Divinæ Majestatis tuæ  
& totius curiæ cælestis, ego  
indignus peccator confun-  
dor, ac erubescō, de omni-  
bus peccatis meis, quibus te  
Deum meum omnipoten-  
tem, justum, & misericor-  
dem, toties ad iram conci-  
tavi: ideo ex intimis cordis  
mei visceribus pœnitet me,  
& doleo vehementissimè de  
omnibus delictis meis, co-  
gitatione, verbo, & opere  
commisis, ab illo instanti,  
quo

*me cum  
is.*

Creator  
Domi-  
n con-  
atis tua  
s, ego  
onfun-  
omni-  
ibus te  
poten-  
ericor-  
conci-  
cordis  
et me,  
mè de  
s, co-  
opere  
stanti,  
quo

quo primum peccare potui,  
usque in præsentem diem.

Doleo etiam dulcissime  
JESU, quòd te tam beni-  
gnum, & misericordem Pa-  
trem, & Redemptorem me-  
um ausus fuerim tot enor-  
mibus culpis offendere, qui  
usque adeò me dilexisti, ut  
pretiosissimum sanguinem  
pro me effunderes, & mor-  
tem ignominiosissimam su-  
stinères. Ah utinam! ô infi-  
nita bonitas! te nunquam  
offendissem, quem ex inti-  
mis animæ medullis, super  
omnia intensissimè diligo,  
& in vicem imperfecti dolo-  
ris offero tibi omnium crea-  
turarum possibilem possi-  
bili

bili affectu amorisissimam illam contritionem, quâ sua peccata deflevit S. Propheta David; S. Apostolus Petrus, S. Maria Magdalena, cum cæteris omnibus verè pœnitentibus, qui unquam à primordio fuerunt, sunt & erunt usque ad consummationem sæculi; & firmissimè statuo, divina tua opitulante gratia, in qua omnem fiduciam meam colloco, nullum unquam amplius admittere peccatum, & proxima vice purè, sincerè, confiteri; omnibus etiam, qui me unquam offenderunt, tui amore libentissimè ignosco.

*Actus*

E  
ræ  
cer  
tam  
acti  
qui  
per  
uni  
&  
Bea  
tua  
San  
pre  
rur  
mu  
rar  
tial

*Actus Satisfactionis.*

**E**T quia, ô Domine Deus meus! ex viribus naturæ pro peccatis meis satisfacere nequeo; hinc offero totam vitam meam, universas actiones, & labores meos, & quidquid tandem adversi perpessus fuero, idque in unione sacratissimæ Passionis, & amarissimæ mortis tuæ, Beatissimæ Virginis Matris tuæ, *MARIÆ*, omniumque Sanctorum, humillimè deprecans peccatorum meorum veniam, & ante extremum mortis articulum veram, & perfectam pœnitentiam, Amen.

**F***Actus*

*Actus solidæ contritionis.*

**I**Taque miserere mei DEUS  
miserere mei; & ignosce  
mihi. Miserere mei secundum  
magnam misericordiam tu-  
am, & secundum multitu-  
dinem miserationum tuarum  
dele iniquitatem meam. O  
Domine Deus meus, doleo,  
quòd te summum benefacto-  
rem meum, fontem omnium  
bonorum meorum, qui me  
ex nihilo condidisti, qui me  
ad imaginem & similitudi-  
nem tuam formasti, qui me  
ad communionem gloriæ  
tuæ, omniumque bonorum  
& gaudiorum fecisti, qui  
me perditum ab æterna mor-  
te eripuisti, & rursus ad æ-

ter-

ionis.

DEUS  
 gnosce  
 undum  
 am tu-  
 multitu-  
 uarum  
 m. O  
 doleo,  
 efacto-  
 mium  
 qui me  
 qui me  
 litudi-  
 qui me  
 gloriæ  
 norum  
 , qui  
 a mor-  
 ad æ-  
 ter-

ternam vitam destinasti, qui  
 meâ causâ homo factus, in  
 carne mortali tot labores &  
 dolores, tot acerbitates &  
 indignitates, tot probra &  
 contumelias, tot tormenta  
 & vulnera, crucem denique  
 & mortem ipsam pro me su-  
 stinuisti. Doleo, inquam,  
 quòd te toties offenderim,  
 & contempserim, tua præ-  
 cepta sanctissima nihil æsti-  
 mando & violando: quòd  
 toties pro infinitis beneficiis  
 infinitam ingratitude &  
 injuriam rependerim. Ob  
 hanc causam doleo ex ani-  
 mo, doleo intimis sensibus  
 & opto mihi dolorem & de-  
 testationem, millies majo-

rem, eúmque millies & millies, humillimè & ex mero amore tui, à te flagito. Miserere mei Deus meus, miserere mei, & ignosce mihi; quia tu Deus meus es, quia tu summum bonum meum es. Miserere mei, creaturæ tuæ, vilis, abjectæ, & indignæ. Miserere, miserere, ah miserere!

*Alia Oratio.*

**A** Cerbissimam passionem tuam, Domine JESU Christe, mortis angustiam, mœstiriam, tædium & pavorem, guttas sanguinei sudoris, probra, sputa, colaphos, vincula, flagella, contumelias, spineam coronam, crucem,



z mil-  
mero  
. Mi-  
mise-  
mihi;  
quia  
neum  
aturæ  
indi-  
re, ah

onem  
ESU  
tiam,  
pavo-  
fudo-  
phos,  
meli-  
cru-  
m,

sem, clavos, fel, acetum &  
lanceam, quibus usque ad  
mortem justus pro injustis,  
innocenter & crudeliter af-  
flictus es, ad mentem revo-  
cans: doloroso tibi corde  
compati gestio; & ejusdem  
passionis tuæ memoriam fac-  
turus in conficiendo, trac-  
tando, & accipiendo sacra-  
tissimo tui pretiosi corporis  
& sanguinis Sacramento, ve-  
reor, nè in judicium mihi &  
condemnationem, ad Sancta  
Sanctorum accedam: quod  
si prætermisero, & sacerdo-  
tali officio non satisfecero,  
timeo, nè ex inobedientia  
negligentiæque condemner.  
Quia igitur te à peccatori-

bus exorari, tibi que contriti cordis sacrificium offerri præcipis, ignosce precor peccanti, parce confitenti, miserere roganti. Et da mihi spiritum contribulatum, quem tibi gratum Sacrificium revelasti, ut eo purificatus, non solum Sacramentum, sed etiam virtutem Sacramenti suscipere merear: quæ omnia peccata mea deleat: & ea deinceps vitandi remedium præstet. Mihi que; & omnibus fidelibus, vivis & defunctis, pro quibus illud offerre aggredior, in remissionem peccatorum & vitam proficiat sempiternam, Amen.

Ora-

Die

P  
ser  
ma  
fan  
con  
nit  
JE  
ner  
um  
in  
an  
me  
qu  
ter  
no

## Oratio devotissima.

*Dicenda à Sacerdote ante vel  
post Missam.*

**P**ater cœlestis, clementis-  
sime Domine, Pater mi-  
sericordiarum: suscipe per  
manus servi tui hoc sacro-  
sanctum sacrificium, verum  
corpus & sanguinem unige-  
niti Filii tui Domini nostri  
JESU Christi in satisfactio-  
nem, & remissionem omni-  
um peccatorum meorum,  
in salutem, & fortitudinem  
animæ meæ, totius domûs  
meæ, & omnium illorum,  
quibus aliqua obligatione  
teneor, & omnium Domi-  
norum, Prælatorum, Præ-

dicatorum, Sacerdotum, &  
Religiosorum Catholicæ fi-  
dei, ut eis gratiam Spiritûs  
sancti impertiri digneris ad  
salutem animarum suarum,  
& regimen totius populi  
Christiani; & omnium pec-  
catorum hujus mundi, ut  
eos convertas, & ducas ad  
viam Salutis; in consolatio-  
nem omnium tribulorum,  
ut eis adjutorium, & veram  
patientiam tribuas; in refri-  
gerium, & liberationem om-  
nium animarum existentium  
in Purgatorio, & maximè  
illarum, quæ auxilium à me  
jure expectant: ad illumina-  
tionem & conversionem om-  
nium infidelium, hæretico-  
rum,

rum, & schismaticorum, ut  
cognoscant, & ament te,  
summam Bonitatem, Patrem  
omnipotentem, qui cum Fi-  
lio, & Spiritu Sancto es lau-  
dabilis Deus, & benedictus  
in sæcula sæculorum, Amen.

## Intentio Sacerdotis,

celebraturi.

**GREGORIUS XIII. PONT**

*MAX. concessit cuilibet dicenti,  
quæ sequuntur, quinquaginta  
Annorum Indulgentias.*

**E**Go volo celebrare Mis-  
sam, & conficere corpus,  
& sanguinem Domini nostri  
JESU Christi, juxta ritum  
sanctæ Romanæ Ecclesiæ, ad  
lau-

laudem Omnipotentis Dei,  
totiusque Curiae triumphan-  
tis; ad utilitatem meam, to-  
tiusque Curiae militantis, pro  
omnibus, qui se commenda-  
verunt orationibus meis in  
genere, & in specie; & pro  
felici statu sanctæ Romanæ  
Ecclesiæ, Amen.

**G**Audium cum pace emen-  
dationem vitæ, spatium  
veræ pœnitentiæ, gratiam &  
consolationem sancti Spiri-  
tûs, perseverantiam in bonis  
operibus, tribuat nobis om-  
nipotens, & misericors Do-  
minus, Amen.

*Alia recta Intentio Sacerdo-  
tis celebraturi.*

**A**D laudem & gloriam  
sacro-

sacrosanctæ & adorandæ  
Trinitatis, in memoriam vi-  
tæ, passionis, ac mortis, Sal-  
vatoris mei JESU Christi;  
& in honorem Domine meæ,  
Dei Genitricis MARIÆ,  
cœlestium Spirituum, & om-  
nium Sanctorum Sanctarum-  
que, beatè cum Deo regnan-  
tium, ac signanter Sancti N.  
N. (*cujus memoriam bodie a-*  
*gimus*) cum omnibus Ange-  
lorum, & Sanctorum laudi-  
bus, ac meritis, offero tibi,  
Deus meus, hoc præsens, &  
omnia alia Sacrificia, oratio-  
nes, & bona opera totius  
mundi; pro meis præsentibus  
& futuris animæ & cor-  
poris necessitatibus; in re-  
mis-

missionem peccatorum me-  
orum, quorum veram sem-  
per contritionem habere in-  
tendo, conor, & cupio; om-  
niúmque vivorum, & defun-  
ctorum, meorum parentum,  
& consanguineorum, ami-  
corum, inimicorum, bene-  
factorum in spiritualibus, &  
temporalibus, ac illorum qui-  
bus aliquando fueram gra-  
vamen, scandalum, & occa-  
sio peccandi; pro omni grá-  
du Catholicæ Ecclesiæ ac il-  
lius conservatione, augmen-  
to, & exaltatione; Christia-  
norum Principum unione,  
hæresum extirpatione, sum-  
mi Pontificis salute, & ani-  
marū in purgatorio existen-  
tium

tium  
serva  
omn  
con  
lium  
&  
pro  
fund  
nost  
Mat  
sacr  
cro  
inte  
inte  
ca  
ster  
ne  
San

D



me-  
sem-  
e in-  
om-  
efun-  
tum,  
ami-  
bene-  
s, &  
qui-  
gra-  
occa-  
grā-  
ac il-  
men-  
istia-  
one,  
fum-  
ani-  
sten-  
um

tium liberatione: pro con-  
servatione & incremento  
omnium Religionum, pro  
conversione omnium infide-  
lium: pro mihi committis,  
& commendatis; denique  
pro illis omnibus vivis & de-  
functis, pro quibus Dominus  
noster Iesus Christus, & ejus  
Mater volunt me orare, &  
sacrificare. Sic oro, obse-  
cro, ac orare, obsecrare,  
intendo, ac propono juxta  
intentionem sanctæ Catholi-  
cæ Ecclesiæ, ego N. mini-  
ster licet indignus; in nomi-  
ne Patris & Filii, & Spiritûs  
Sancti, Amen.

*Oratio ante Missam.*

**D**eus, qui de indignis di-  
gnos

gnos facis, & de peccatoribus justos, & de immundis mundos: munda cor, & corpus meum ab omni contagione; & sorde peccati, & fac me dignum sanctis Altaribus tuis ministrum: concede propitius, ut in hoc altari, ad quod indignus accedo, hostias acceptabiles, atque placabiles offeram pietati tuæ pro peccatis, & offensionibus, innumerisque & quotidianis excessibus meis, atque cunctorum simul Christianorum culpis abluendis; & per eum sit tibi votum meum acceptabile, qui se tibi Deo Patri pro nobis obtulit sacrificium.

fici  
reg  
san

C  
tua  
nia  
dan  
cit  
sca  
ete  
sit  
cat  
sit  
C  
pi  
liu  
de  
dis

ficiū. Qui tecum vivit, & regnat in unitate Spiritūs sancti Deus, &c.

*Alia Oratio.*

**O**bscuro te dulcissime JESU Christe, ut passio tua sit mihi virtus, quā muniar, protegar, atque defendar; vulnera tua sint mihi cibis, & potus, quibus pascar, enutriar, atque delecter; aspersio sanguinis tui sit mihi ablutio omnium peccatorum meorum: Mors tua sit mihi vita indeficiens: Crux tua sit mihi gloria sempiterna, resurrectio, & auxilium, sanitas & gaudium, desiderium & solatium cordis mei nunc & in perpetuum.

tuum. Qui vivis, & regnas,  
&c.

*Oratio S. Martini Papæ.  
ante Missam.*

**O** Domine JESU Christe  
fili Dei vivi, miserere  
mihi misero peccatori, &  
omnibus servis tuis, qui tibi  
hodie sacratissimum ac pre-  
tiosissimum salutis nostræ pre-  
tium, pretiosi videlicet cor-  
poris & sanguinis tui offe-  
runt Sacramentum: da nobis  
gratiam, virtutem, & forti-  
tudinem immolandi, offe-  
rendi, ac sumendi hoc sacro-  
sanctum corpus & sanguinem  
tuum in fide recta, spe fir-  
ma, & charitate perfecta,  
cum augmento humilitatis  
&

& patientiæ, obedienciæ, castitatis ac totius sanctitatis: in honorem & laudem sanctæ & individue Trinitatis, beatissimæque Virginis Mariæ: in gaudium Sanctorum Archangelorum & Angelorum, Patriarcharum, Prophetarum, Apostolorum, Martyrum, Confessorum, Virginum, & omnium Sanctorum atque Electorum tuorum jam in æterna felicitate latantium: & præsta, ut, sicut illos jam pleno & sereno splendore vultûs tui sinè defectu satias: sic nos degeneres in hac miseria, hac gratia reficias: & eos, qui in pœnis sunt purgatorii, ac ibi

æstuant, tuâ misericordiâ  
eripias; & sicut es illis in  
gaudium, sic nobis hujus vi-  
talis Sacramenti perceptio  
sit in subsidium, & his, qui  
in pœnis sunt, in refrigeri-  
um. Miserere igitur clemen-  
tissime Domine JESU Chri-  
ste, per hujus vivifici Sacra-  
menti virtutem, sanctæ & u-  
niversali Ecclesiæ; & omnia  
mala, scilicet hæreses, di-  
scordias, dissensionésque ab  
ea tolle, & evelle, errantes  
in illa corrige, incredulos  
ad fidem converte, schisma-  
ticos ad unitatem sanctæ Ec-  
clesiæ fac redire, & ipsis lu-  
men tuæ veritatis ostende,  
peccatoribus veram pœniten-  
tiam

tiam largire, justos in bono  
suo proposito fac perseverare,  
populo Christiano misere-  
rere, Clerum defende, Re-  
ligiosos in servitio tuo san-  
cto conserva, tristes conso-  
lare, infirmis sanitatem cor-  
poris & animæ restitue, pau-  
peribus ac egentibus omnia  
corporis & animæ necessaria  
tribue, peregrinos & exules  
cum salute ad propria fac  
remeare, in periculis aqua-  
rum positos ad portum tuæ  
voluntatis fac pertingere:  
in vinculis & carceribus de-  
tentos fac solvi. Omnibus  
cum quibus peccavimus, vel  
quos ad peccandum induxi-  
mus, & nobis, misericors

Pater, indulge; omnibus,  
quos conturbavimus, læsi-  
mus, scandalizavimus, vel  
defraudavimus, tu gratiose  
Creator absolve, omnibus  
Parentibus, amicis, inimicis,  
confratribus & consanguineis,  
familiaribus & benefactoribus,  
& quorum utimur vel usi sumus eleemo-  
synis, omnibúsque pro no-  
bis Deum exorantibus, vel  
orationibus nostris se com-  
mendantibus, omnia bona  
retribue, & eos ab omni ma-  
lo defende, in tuoque eos  
servitio fac perseverare us-  
que in finem. Et post hu-  
jus cursum miserix ad te, qui  
es vera patriæ merces, præ-



bus,  
læsi-  
vel  
tioſe  
nibus  
icis,  
ngu-  
bene-  
uti-  
emo-  
no-  
vel  
com-  
bona  
ma-  
e eos  
e uf-  
t hu-  
, qui  
præ-

mium æternum, & gloria,  
da pervenire. In tribulatio-  
nibus, & perſecutionibus &  
tentationibus ad te claman-  
tibus auxiliare, in agone po-  
ſitis de hoc quoque ſæculo  
exituris ſuccurre, & animas  
eorum à faucibus rugientis  
inimici eripe. Inimicis no-  
ſtris & nobis, veram cha-  
ritatem largire, omnibúſque  
tuis fidelibus per hujus Sa-  
cramenti virtutem præſta  
ſubſidium, auxilium & con-  
ſolationem, adhuc in carne  
præſentibus tuam gloriam  
largiendo, futuris tua me-  
dia, præveniendo; præteri-  
tis verò omnibus æternam  
requiem tribuendo, Deus,

G s

qui

qui es trinus per cuncta sæ-  
culorum sæcula benedictus,  
Amen.

### Intentio Sacerdotis.

*Dum stat in medio Altaris  
Missam jamjam inchoa-  
turus.*

**O** Infinita Dei Majestas!  
ego indignissimus pec-  
cator tremendum hoc Sa-  
crificium corporis & sangui-  
nis Domini nostri J E S U  
Christi offerre, tibi que su-  
premo vitæ ac necis Domi-  
no, hostiam infiniti valoris  
immolando, infinitam com-  
placentiam causare, omni-  
bus viribus nunc intendo, ad  
omnes

omnes pias, quas unquam  
feci, aut facere possum, in-  
tentiones: illas præsertim se-  
ptem, quas in oratione Do-  
minica Filius tuus nos do-  
cuit. Adjuva me, Deus me-  
us, in hac hora, dignumque  
altaribus tuis fac ministrum.  
Túque ô dulcissima DEI  
Mater, assiste mihi nunc, &  
Filium tuum, unà mecum  
æterno Patri offer, quemad-  
modum stans sub cruce ob-  
tulisti. Sed & vos, SS. An-  
geli, qui hanc aram tremen-  
tes circumstatis, Seraphicis  
vestris laudibus & adoratio-  
nibus teporem meum accen-  
dite, veramque devotionem  
impetrate, Amen.

*Intentio five Memoria vi-  
vorum facienda.*

**M**Ei, Parentum, Superi-  
orum, Fratrum, Soro-  
rum, Consanguineorum, &  
Amicorum meorum.

Omniū, quibus fui gra-  
vamen, scandalum, occasio  
peccandi.

Omniū benefactorum  
meorum in spiritualibus, &  
temporalibus.

Omniū mihi commissio-  
rum, in genere, & in specie.

Omniū Sacerdotum, &  
ministorum Ecclesie Catho-  
licæ.

Omniū inimicorū meo-  
rum, ad dimissionem.

Omniū hæreticorum, &  
infi-

*Altaris.*

infidelium, ad conversionem.

Omnium, pro quibus scis,  
& vis me debere orare.

## MEMORIA

*Mortuorum facienda.*

**A** Nimarum Parentum, Superiorum, Fratrum, Sororum, & Consanguineorum, amicorumq; meorum.

Animarum, quæ occasione mei purgantur in purgatorio.

Animarum omnium benefactorum meorum in Spiritualibus, & in temporalibus.

Animarum omnium mihi commissarum in genere, & in specie.

Animarum omnium Sacerdotum, & ministrorum Ecclesiæ Catholicæ.

Animarum morte improvise corpore exutarum.

Animarum, quarum non est specialis memoria.

Animarum miserrimè existentium in purgatorio, & omnium, pro quibus scis, & vis me debere orare.



## RECESSUS AB ALTARI.

*Antiphona.*

**T**rium puerorum cante-  
mus hymnum: quem  
can-

cantabant sancti in camino  
ignis benedicentes Domi-  
num.

*Canticum trium puerorum.*

**B**enedicite omnia opera  
Domini Domino; lau-  
date, & superexaltate eum  
in secula.

Benedicite Angeli Domi-  
ni Domino; benedicite cœli  
Domino.

Benedicite aquæ omnes,  
quæ super cœlos sunt, Do-  
mino; benedicite omnes  
virtutes Domini Domino.

Benedicite Sol & Luna  
Domino: benedicite stellæ  
cœli Domino.

Benedicite omnis imber  
& ros Domino: benedicite  
omnes

omnes spiritus Dei Domino.

Benedicite ignis & æstus  
Domino : benedicite frigus  
& æstus Domino.

Benedicite rores & pruina  
Domino : benedicite gelu  
& frigus Domino.

Benedicite glacies & nives  
Domino : benedicite noctes  
& dies Domino.

Benedicite lux & tenebræ  
Domino : benedicite fulgura  
& nubes Domino.

Benedicat terra Dominū :  
laudet, & superexaltet eum  
in sæcula.

Benedicite montes & colles  
Domino : benedicite uni-  
versa



versa germinantia in terra  
Domino.

Benedicite fontes Domi-  
no: benedicite maria & flu-  
mina Domino.

Benedicite cetē, & omnia,  
quæ moventur in aquis, Do-  
mino: benedicite omnes vo-  
lucres cœli Domino.

Benedicite omnes bestię,  
& pecora Domino: benedi-  
cite filii hominum Domino.

Benedicat Israël Dominū:  
laudet, & superexaltet eum  
in sæcula.

Benedicite Sacerdotes Do-  
mini Domino: benedicite  
servi Domini Domino.

Benedicite spiritus & ani-  
mæ justorum Domino: be-  
ne-

nedicite sancti & humiles  
corde Domino.

Benedicite Anania, Aza-  
ria, Misaël Domino; lauda-  
te, & superexaltate eum in  
sæcula.

Benedicamus Patrem & Fi-  
lium cum sancto Spiritu:  
laudemus, & superexaltemus  
eum in sæcula.

Benedictus es Domine in  
firmamento cœli; & lauda-  
bilis & gloriosus, & super-  
exaltatus in sæcula.

*Psalmus 115.*

**L**audate Dominum in san-  
ctis ejus: laudate eum in  
firmamento virtutis ejus.

Laudate eum in virtutibus  
ejus: laudate eum secundum  
mul-

multitudinem magnitudinis  
ejus.

Laudate eum in sono tu-  
bæ: laudate eum in psalte-  
rio & cithara.

Laudate eum in tympano  
& choro, laudate eum in  
chordis & organo.

Laudate eum in cymbalis  
benesonantibus, laudate eum  
in cymbalis jubilationis: om-  
nis spiritus laudet Dominum.

Gloria Patri, & Filio, &c.

*Canticum Simeonis.*

**N**unc dimittis servum tu-  
um Domine; secundum  
verbum tuum in pace.

Quia viderunt oculi mei:  
salutare tuum.

Quod parasti: ante faciem  
omnium populorum. Lu-

Lumen ad revelationem  
gentium: & gloriam plebis  
tuæ Israël.

Gloria Patri, & Filio, &c.  
*Deinde repetitur Antiphona.*

**T**Rium puerorum cante-  
mus hymnum: quem  
cantabant sancti in cantino  
ignis, benedicentes Domi-  
num.

Kyrie eleison. Christe  
eleison. Kyrie eleison. Pa-  
ter noster.

ψ. Et nē nos inducas in  
tentationem. R. Sed libe-  
ra nos à malo. ψ. Confite-  
antur tibi Domine omnia o-  
pera tua. R. Et sancti tui  
benedicant tibi. ψ. Exulta-  
bunt sancti in gloria. R. La-  
tabun-

tabuntur in cubilibus suis.  
 y. Non nobis Domine, non  
 nobis. R. Sed nomini tuo  
 da gloriam. y. Domine  
 exaudi orationem meam. R.  
 Et clamor meus ad te veniat.  
 y. Dominus vobiscum. R.  
 Et cum Spiritu tuo.

## Oremus.

**D**Eus, qui tribus pueris  
 mitigasti flammam igni-  
 um: concede propitius, ut  
 nos famulos tuos non exurat  
 flamma vitiorum.

**A**ctiones nostras, quæsu-  
 mus Domine, aspirando  
 præveni, & adjuvando pro-  
 sequere, ut cuncta nostra o-  
 ratio, & operatio à te sem-  
 per

per incipiat, & per te coepta  
finiatur.

**D**A nobis, quæsumus Do-  
mine, vitiorum nostro-  
rum flammæ extinguere: qui  
beato Laurentio martyri  
tuo, tribuisti tormentorum  
suorum incendia superare.  
Per Christum Dominum no-  
strum, Amen.

*Oratio post Missam.*

**O**mnipotens sempiternæ De-  
us, Conservator anima-  
rum, mundi que Redemptor,  
me famulum tuum ante Ma-  
jestatem tuam prostratum be-  
nignissime respice, & Sacri-  
ficium, quod in honorem  
nominis tui pro salute fide-  
lium

lium tam vivorum, quàm defunctorum: itémque pro peccatis, & offensionibus meis obtuli, piissimè respice, iram tuam à me remove, gratiam & misericordiam mihi concede, januam Paradisi mihi pande, & ab omnibus malis me potenter eripe, & quidquid, proprio commisi reatu, clementer indulge; & sic in hoc sæculo, in præceptis tuis fac me perseverare, ut dignus electorum gregi copulari efficiar: te præstante; D E U S meus, cujus nomen benedictum, honor, atque regnum permanet in sæculà sæculorum, Amen.

*Gra-*


*Gratiarum actio post Missam.*

**G**ratias tibi ago Domine  
piissime, quod me ad  
officium Sacerdotale elegi-  
sti. Gratias tibi ago dulcissi-  
me Deus, quod me tuo  
dulcissimo corpore & san-  
guine refecisti. Gratias ti-  
bi ago Domine clementissi-  
me, pro devotione, quâ me  
in hac Missa specialiter re-  
spexisti. Gratias tibi ago  
benignissime Deus, quod me  
protegendo à periculosis ne-  
gligentiis custodisti. Mi Do-  
mine Deus, ecce! pro gra-  
tissima electione, pro dulcis-  
sima refectione, pro tam pi-  
issima respectione, pro tam  
benignissima protectione &  
custo-



custodia tibi optime Deus,  
ex toto corde gratias ago,  
te benedico, teque glorifico  
in æternum. Eja nunc oro  
piissime Deus, ut sit mihi  
hoc dulcissimum Sacramen-  
tum contra omnium pecca-  
torum meorum vulnera ef-  
ficacissimum medicamentum.  
Sit mihi benignissime Deus,  
hoc dulcissimum Sacramen-  
tum omnis virtutis & gratiæ  
victoriosissimū complemen-  
tum. Sit mihi piissime De-  
us, hoc dulcissimum Sacra-  
mentum tam in vita, quàm  
in morte contra omnia peri-  
cula validissimum tutamen-  
tum. Sit mihi, dulcissime  
Deus, hoc amantissimum Sa-

cramentum ad æternam beatitudinem solidissimum fulcimentum. Mi Domine Deus, per sumptam quæso Eucharistiam, da mihi, ut à peccatis emundatus, meritò fecundatus, sine bono consumatus, tecum in perpetuum sim beatus, cui est honor, & gloria, in sæculorum sæcula, Amen.



## EXERCITIUM MIRE ELEGANS

Post Missam & Communionē.

*Quo Christus æterno Patri  
offerendus est. Ex P. Antonio  
Molina Instruct. Sacer-  
dotum,*

*dotum, qui ait, hac forma utiliore excogitari vix posse.*

**D**omine Deus, Pater sanctissime, qui per abundantiam charitatis tuæ dedisti nobis unigenitum Filium, ut omnis, qui credit in eum, non pereat, sed habeat vitam æternam: & ut thesauri meritorum Ipsius, nostri suppleantur defectus: ego miserrimus peccator, sed tuâ misericordiâ fidelis Christianus, & servus Domini JESU Christi, velut Ecclesiæ membrum, eum recepi, & meo illum in pectore nunc complector tanquam rem meam, & intimè mihi conjunctam.

Atque ut talem, in unio-

ne charitatis, quâ se ipsum largitus est, & obtulit pro nobis in cruce, & se dat modò, & cõmunicat in hoc Sacramento, tibi eum offero cum omnibus meritis atque virtutibus, in æternam gloriam & laudem, ac infinitam gratiam, & beneplacitum tuum: ut in illo tibi perfectè complaceas: & ut nos, qui tibi placere de actibus nostris non valemus, dilectissimi Filii tui meritis & patrocinio, perfectè placeamus.

Offero tibi Pater sanctissime, omnem ejus charitatem, religionem, obedientiam, humilitatem, pauper-

ta-

tatem, mansuetudinem, patientiam, cum aliis omnibus virtutibus: quibus præditus fuit, ut illis totum, quod mihi deficit, suppleatur.

Cùmque ego tibi debitas nequeam gratias agere, pro beneficiis in me collatis, offero tibi omnes laudes, quas ipse dedit, cùm visibilis nobiscum versaretur in terra: & quas tibi nunc offert in gloria.

Cumque parùm satisfacere queam pro peccatis meis, offero tibi omnes ejus labores, jejunia, vigiliis, fatigationes, orationes, quidquid denique fecit, aut pertulit, primo instanti conceptionis,

H3

donec


donec exspiravit in cruce:  
omnes dolores ac tormenta  
passionis, omnem sanguinem  
pro me effusum, omnia vul-  
nera pro me suscepta ac mor-  
tem pro me toleratam.


Hic est thesaurus Pater cle-  
mentissime, in quo totam  
spem reposui; hæ sunt divi-  
tiæ, quas offero in satisfactio-  
nem omnium debitorum.

Respice Domine in faciem  
Christi tui, & cum sit hic  
Filius tuus dilectus, in quo  
tibi semper bene complacuit,  
qui nunc mihi est intimè con-  
iunctus, supplex rogo, ut  
me quoque respicias oculis  
misericordiæ tuæ. Sub um-  
bra meritorum ipsius, com-  
pareo

pareo coram te, ut illum  
adspiciens, me quoque cle-  
menter ac benignè intuearis  
tanquam mancipium ejus,  
& servum perpetuum, nè  
permittas, obsecro, ut pe-  
reat illa anima, quæ toties  
in se recepit Filium tuum,  
qui à te missus, venit in  
mundum, quærere, & sal-  
vum facere, quod perierat.

Hoc præsta mihi per in-  
finitam misericordiam  
tuam, Amen.





DELICIAE  
Eucharisticae:  
SIVE  
ELEGANTISSIMI  
AFFECTUS

Ante, & post Missæ Sacrifi-  
cium, etiam à non Sacerdo-  
tibus ante, & post Commu-  
nionem fructuosè usur-  
pandi.

ADMONITIO.

*A*gnus commedebatur Agnus  
Paschalis; vide sis, nè  
sinè præparatione crudam in-  
geras Eucharistiam.


Qui



Qui perfunctoriè, ex consuetudine potius, quàm affectu DEO vescitur: ignem recipit, & non accenditur; pharmacum sumit, & non medetur languori; divinissimas inter Epulas famelica manet anima; in mari gratiarum sicca, egena cum bonorum omnium thesauro.

Errantem inter res creatas animum reduc ad excipendum cum omnibus potentiis Creatorem, ut pro mensura dispositionis infundantur tibi opes Divinarum gratiarum: Devota Communione lucraris plus, quàm valeat totus mundus; porrò plures hìc affectus damus, eò consiliò, ut nunc  
 hos.

*hos, nunc alios elicias, prout  
tempus & devotio permittit,  
namque etiam in rebus spiri-  
tualibus Varietas delectat.*



## P A R S I.

*SS. Eucharistiae Dignitas,  
& finis.*

**A**D me, vilem origine, vi-  
liorem crimine, venit  
**DEUS!** cujus magnitudini  
nulla quantitas, potentiae  
nulla facultas, gloriae nulla  
dignitas, pulchritudini nul-  
la venustas, dulcedini nulla  
suavitas, naturae nulla boni-  
tas æquari potest. Est me-  
lior omnibus; est mihi cha-  
rior omnibus, Deus. **Ve.**

Venit, mei ductus amore,  
 ut me gratiis suis adimpleat.  
 Venit tectus, nè percellat  
 Majestas; & mihi terræ ver-  
 miculo se communicat, qui  
 teste S. Augustino, Sapien-  
 tissimus, plus dare nescit;  
 Ditissimus, plus non habet;  
 Omnipotens, plus non po-  
 test.

Veni in cor meum Ama-  
 bilissime Deus. Te desidero,  
 te amo, qui ab æterno me  
 amasti; nec me amare, nisi  
 te cogam, æternum defines.

*Vilitas propria.*

**Q**Uæ mea clementia, DEI  
 Majestatem mihi vilu-  
 isse, dissipuisse Bonitatem;  
 Quæ mea malitia, quòd to-  
 ties

ies peccati cœnum, toties  
serpentinam diaboli saniem  
Deo præposuerim? O quàm  
me poenitet mi Deus?

Excœcatus creaturis non  
levavi oculos in pulchritu-  
dinem Creatoris infinitam.

Si tunc ad iudicium ra-  
ptus fuisset, quò me præ-  
cipitasset? quod ardent in  
inferno, qui minùs me pec-  
caverunt? Et ego non ardeo.

Quis tunc ô Deus, quan-  
do sanguinem tuum pro me  
fufum peccato conculcavi,  
& conculcantem me infinito  
odio prosequeris, quis ju-  
stitiæ tuæ fulmen continuit?

Ipsa mea peccata clama-  
bant contra me, & tu ob-

dura-

durabas aurem tuam, nè audires: aliorum clamabant, & exaudisti, severus scelerum vindex.

Petiit dæmon me, suum mancipium sibi dari; cui non fundenti pro me sanguinem servivi, te Deo meo conculcatò.

Et tibi, Augustissime Deus, cujus Majestate nec mentes Seraphinorum dignæ sunt, placeat venire ad hoc peccatorum receptaculum, fimetò, Jobi, speluncâ latronum, lacu Danielis detestabilius!

Veni amantissime JESU, elimina virus scelerum, eorumque vestigia ex animo  
I . . . meo,

meo, munda sanguine tuo, illumina præsentia, conforta gratiis, dita meritis, accende charitate. Veni de cælo in abyssum vilitatis meæ; mane, & me de abyssu scelerum cælum virtutum effice.

*Contritio.*

**A**Mabilissime DEUS, non tam inferni horrore, nec cæli amittendi metu; quàm tui amore intimè doleo, quòd peccatis meis offenderim tuam infinitè amabilem Majestatem, ipsamque divinisimam Bonitatem tuam.

Pœnitet me semper, quòd cum gravissima tua injuria, & contemptu, peccatorum

& abominationum illarum  
infernale toxicum amârim!

Ignosce, Clementissime  
JESU, per vulnera tua te ro-  
go; rogo per sanguinem tu-  
um, eumque pro delictis me-  
is offero.

Execror omnia, & plus  
quàm infernum detestor, sin-  
gula mea peccata.

Nunquam tua juvante gra-  
tia, nunquam, velut canis ad  
vomitum reversus, pecca-  
torum mephitimi reample-  
tar.

Nunquam è verme factus  
Angelus, redibo ad cadaver.

*Fides.*

**C**Oram tua divina Maje-  
state, veritate ineffabili,

humillimè prostratus toto intellectu & animo credo firmissimè, quæ continentur in Symbolo Apostolico; & omnia, quæ dixisti, revelasti, & mediante S. Ecclesia Catholica proposuisti. Nolo, ut ratio mea judicet de eo, quod est supra rationem.

Martyrum supplicia, & intensissimos fidei actus, fidem etiam integerrimam SS. Matris Virginis, tibi offero.

Da, per tuum sanguinem precor, ut totus mundus fide, & bonitate, te veneretur, sicut oportet. Confiteantur tibi populi DEUS, confiteantur tibi populi omnes.



nes, Omnis terra adoret te,  
& psallat tibi.

*Spes.*

**I**Ngredior; ô potentissime,  
& liberalissime Deus, in  
infinitum Bonitatis tuæ O-  
ceanum, speroque firmissimè  
per merita JESU Christi Fi-  
lii tui, Redemptoris mei, per  
opera etiam mea, facta ex  
gratia tua, veniam peccato-  
rum meorum; ac vires ad  
tentationem quamvis supe-  
rendam; ac tandem gratiam  
ad fruendum tuo beatissimo  
aspectu in cœlesti patria.

Promittis Regnum cœlo-  
rum, & ultra promissum,  
formam sèrvi induis. Quid  
negabis mihi: cui timet i-

psum jam dabis, & toties dedisti, fontem bonorum omnium.

*Charitas.*

**T**urpis error! amare, quod dignum est odio.

Deus est Charitas, interrogat S. Bernardus: Quid pretiosius? Et qui manet in charitate, in DEO manet: Quid est securius? Et Deus in eo: Quid delectabilius?

Deum amare, tam est excellens, ut beati omnes nobiliter agere nihil possint; qui paterentur inferni flammam potius, quam momentò unicum cessarent ab ejus amore.

Et sunt in te, Deus, illecebrae

cebræ omnis amoris, omnis desiderii facietas, & omnium gaudiorum plenitudo omnis. Igitur:

Immergo cor meum huic bonitatis oceano; & ut amplius amare possim, ad te venio. Attrahe, ô bonum infinitum, attrahe mentem meam, & adstringe vinculo tui amoris indissolubili.

O magne Deus! te amo ex toto corde, immensam tuam perfectionem, altissimam sapientiam, infinitam potentiam, & divinissimam bonitatem, propter temetipsum, ô Pater, ô Fili, ô Spiritus sancte! Tibi, amabilissime Deus, corda infinita,

plena omni possibili affectu, Seraphicis etiam & Marianis amoribus æstuantia, in holocaustum amoris offero. Et renovo hunc amorem toties, quot sunt momenta in æternitate: ejusque signum sit pulsus meæ arteriæ.

Tuum etiam amorem Domine tibi offero, in supplementum exigui mei amoris, & totius mundi, te aut nihil, aut non satis amantis; qui dignus es viribus amari omnibus.

*Desiderium.*

**O**Mnia Christus est nobis, ait S. Ambrosius: si vultus curare desideras, medi-

cina est; si grauaris iniquitate, iustitia est; si auxilio indiges, virtus est; si mortem times, vita est.

Dices animæ meæ: Salus tua ego sum. Sicut Zachæo salus facta est, cum te Salvatore domi suæ excepit.

Vivam ego, jam non ego, vivet verò in me Christus. Quemadmodum & silvestris arbor, nobiliorem furculi insiti vitam haurit; exit & in cœlum ramis felicibus arbor.

Accende igitur, mei appetens JESU, in me tui desiderium, per illud, quo Mater tui amantissima triduò te perditum quæsiuit; per illud, quo tuam Resurrectio-

nem suspiravit; per illud, quo ardens post Ascensionem tuam quotidie Eucharistiæ deliciis fruebatur.

### INTENTIO.

*Offertur Sacrificium quadruplex: Honorarium Eucharisticum, Propitiatorium, & Impetratorium.*

I. Sacro-Sancta Trinitas unus Deus, divinæ Maiestatī Tuæ Sacrificium Corporis, & Sanguis Domini Nostri JESU Christi offero, in unionē illius amoris, quo Filium Pater in mundum misisti, & illius Sacrificiī, quod Filius in cœna & cruce obtulit: & nunc mecum offert summus Pontifex. Desidero imple-

implere, quod ipse instituit,  
& Ecclesia intendit pro Glo-  
ria DEL.

Ad æternum tuæ Maje-  
statis cultum & honorem;  
in protestationem supremi  
in nos Domini, in memo-  
riam & venerationem In-  
carnationis, vitæ, & mortis  
Domini mei JESU Christi.  
Et offero affectu Deiparæ,  
omnium Sanctorum, & cum  
hujus diei Sacrificiis omni-  
bus tibi placitis.

Gaudeo, tantum te esse,  
ut à nulla creatura dignè æ-  
stimari possis. Filium pro-  
inde tibi tuum in Sacrifici-  
um laudis infinita tua Maje-  
state dignum offero.

2. Offero eundem in gratiarum actionem omnium beneficiorum: Creationis, Redemptionis, Vocationis, Conservationis, Eucharistiæ aliorumque Sacramentorum: eximiorum: charismatum humanitati Christi, Deiparæ, Cœlitibus, toti mundo, & mihi ingratissimo collatorū, & conferendorum.

3. In satisfactionem pro meis, omniumque peccatis, in compensationem offero tibi Filium, Hostiam placationis gratissimam.

Primariò offero divinæ Majestati tuæ hanc immaculatam Hostiam pro N. N. Deinde pro iis, pro quibus  
orare



orare teneor. Et juxta hodiernam meam intencionem. Etiam pro agonizantibus, Animabus Purgatorii, &c.

Ad indulgentias. consequendas: Hodiernas, Sodalitatis, Pontificis. . Quinque Sanctorum, Religionis, &c.

*Petitio Gratiæ.*

**A**D vos, ô Sancti, & Amici Dei, ad te S. Angele Custos, S. Josephe, S. Joannes Baptista, & Evangelista, S. Ignati, S. Xaveri, S. Borgia, SS. Patroni mei alii, SS. Menstrui, SS. hodierni, omnesque Cœlites, ad vos supplex confugio: ornatè vestris me virtutibus, & iis mi-

hi ornato adducite Aulici  
Sancti vestrū Regem, quem  
exopto suscipere eo cordis  
mei apparatu, qui illi in vo-  
bis maximè placuit.

Túque Regina cœli, &  
Augusta Mater Salvatoris  
mei, quem donis S. Spiritûs  
plena portâsti, & in Eucha-  
ristia suscepisti: impetra mi-  
hi & omnibus hodie cômuni-  
cantibus, ejusdem S. Spi-  
ritûs dona, per amorem Fi-  
lii te precor.

Et (qualiter docuisti S.  
Gertrudem ante Cômunionem  
precari) te precor per  
illam innòcentissimam puri-  
tatem, quâ Virgo placidam  
mansionem Filio DEI præ-  
para-

parâsti; fac tuis precibus, ut  
ab omni emunder macula.  
Te precor per profundissi-  
mam humilitatem, quâ super  
omnes Angelos, & Cœlites  
meruisti exaltari, fac ut sup-  
pleantur omnes meæ negli-  
gentiæ. Per amorem deni-  
que illum inæstimabilem,  
(qui te Deo inseparabiliter  
conjunxit) precor; fac, ut  
diversorum meritorum co-  
pia mihi præstetur.

Dic Filio tuo Virgo, ut  
in gratiam tui me, meosque,  
respiciat.

Ipse etiam, clementissime  
JESU, para Majestati tuæ in  
animo meo thronum ex the-  
sauro meritorum tuorum;  
per

per eum amorem te rogo,  
quo te mihi in cibum de-  
disti.

Sed & misericordissime  
Pater, qui Filium tradidisti,  
ut servum redimeres, ex hac  
misericordia & amore da,  
quod tibi in me placitum  
est.

*Aspirationes ante Sacram  
Communionem.*

**J**ESU infinite amabilis, &  
desiderate millies, veni  
in cor meum; posside illud,  
& conforma cordi tuo.

Veni Sol, qui totum mun-  
dum illustras, illumina men-  
tem meam.

Veni cœlestis Auster, ani-  
mū

mum meum perfla; ut in eo  
crescant grata tibi aromata  
virtutum.

Veni pluvia divinissima,  
stillicidiô tui pretiosi sangui-  
nis irriga mentem meam.

O dulcissime JESU, te am-  
plector: de quo virtus exi-  
bat, & sanabat omnes. Ve-  
neror caput spinis corona-  
tum, frontem sputis defœ-  
datam, oculos vigiliis mar-  
cidos, genas colaphis con-  
tusas, faucios cruce hume-  
ros, vulneratûmque corpus  
totum, & totum exosculor  
reverentissimè

Exosculor pedes, manûs-  
que clavis, & pectus lanceâ,  
magisque mei amore trans-  
fixum.

Præ-

Præsumo; clementissime  
 JESU, tua intrare vulnera,  
 civitates refugii, balnea pec-  
 catorum, animi pharmaca,  
 fidei lumina, fundamenta  
 spei, amoris incendia, the-  
 saurum gratiæ, virtutum ali-  
 menta, victoriæ insignia, flu-  
 mina salutis, ut in his sinè  
 naufragio ad cœlum navi-  
 gem.

---

## Pars II.

*Aspirationes post S. S. Com-  
 munionem.*

**C**redo te Dominum me-  
 um & Deum meum, in-  
 trà me comorantem. Sen-  
 tiat

tiat  
 tentia  
 mina  
 Sp  
 me fo  
 dono  
 cipem  
 cui te  
 beo t  
 des o  
 No  
 quare  
 intrà  
 bilissir  
 An  
 spes:  
 more  
 exting  
 O  
 totam

issime  
nera,  
a pec-  
naca,  
menta  
the-  
n ali-  
flu-  
finē  
navi-

tiat præsentiæ Divinæ po-  
tentiam mens mea, eam illu-  
mina, fidemque auge.

Spero benignissime JESU,  
me fore meritorum tuorum,  
donorumque cœlestiū parti-  
cipem. Quid negabis mihi,  
cui te ipsum dedisti; jam ha-  
beo te, qui potes, & possi-  
des omnia.

Noli cor meum jam foris  
quærere, quod ames; habes  
intrà te cœli delicias, ama-  
bilissimum Deum.

Com-  
me-  
, in-  
Sen-  
iat

Amo te divinissime Ho-  
spes: accende in me tui a-  
morem; da, ut nunquam  
extinguatur, nec intepestcat,

O anima mea! imitte te  
totam in præsens tibi, & a-  
per-

pertum Christi JESU latus,  
 amoris thronum, clementiæ  
 portum, gratiarum pelagus,  
 perfectionis paradisum, &  
 abyssum divinitatis: hauri  
 hinc cum S. Chrysostomo  
 merita, & sanguinem Do-  
 mini tui, & cum hoc omnia.

*Gratiarum actio.*

**O** Beata Trinitas! ô infi-  
 nita Deitas! ô divina  
 Humanitas! ô corpus JESU,  
 salutis meæ victima! ô anima  
 amoris mei vita! prosterno  
 me, & Majestatem divinissi-  
 mam intrâ me existentem a-  
 doro, omniumque Sancto-  
 rum possibili affectu veneror.

Venisti ad servum Domi-  
 nus, sponsus ad infidelem

spon-

sp inf  
 filium  
 ror,  
 num;  
 Majes  
 tem,  
 linam  
 Domi  
 trà me  
 ejus.  
 ô. ate  
 Filius  
 Per il  
 laudar  
 illum  
 de &  
 De gl  
 ulto g  
 deteste  
 um, &



atus ;  
entix  
agus,  
, &  
auri  
tomo  
Do-  
nnia.  
  
infi-  
ivina  
ESU,  
anima  
terno  
inissi-  
em a-  
ancto-  
neror.  
Domi-  
delem  
on-

sp infam, Pater ad prodigum  
filium, ad creaturam Crea-  
ror, ad nihilum omne bo-  
num; infinita Sanctitas, &  
Majestas ad infinitam foedita-  
tem, & miseriam; Deus, ad  
limam. Benedic anima mea  
Domino, & omnia, quæ in-  
trà me sunt, Nomini sancto  
ejus. Sed & benedicat tibi,  
ô æterne Deus, unigenitus  
Filius tuus, qui intrà me est.  
Per illum, Majestatem tuam  
laudant Angeli; & ego per  
illum te laudo, & amo, lau-  
de & amore ipsius infinito.  
De gloria Majestatis tuæ ex-  
ulto gaudiò ipsius infinito:  
detestor omne peccatum me-  
um, & quidquid tibi displi-  
cet,

cet, odio & detestatione ipsius. Offero illius omnes gratias, eas etiam, quas ante institutionem huius SS. Sacramenti elevatis oculis nostro nomine dedit. Denique universos illius actus internos, & externos, vitæ mortalis, & immortalis: quos secum mihi donavit, tibi velut thymiana suavissimi odoris offero.

Suscipe illas etiam, ô Deus, laudes & gratias, quas Beata Virgo Mater in tua Conceptione, Nativitate, Communionem olim, & jam, persolvit. Per hanc Dominam præsentem exiguum tibi meam gratitudinem, ô Deus meus, & omnia! Be-

F  
lies  
stoc  
ri,  
San  
pro  
E  
dibu  
cran  
offe  
cor  
E

ra,  
nace  
& p  
DE  
tem  
ince  
M  
laud

Benedicant etiam te mil-  
lies cum S. Angelo meo. Cu-  
stode, omnes Angelici Cho-  
ri, qui throno tuo adstantes,  
Sanctus, Sanctus, Sanctus,  
proclamant.

Et omnes Sancti suis lau-  
dibus (quas in usu hujus Sa-  
cramenti obtulerunt, & nunc  
offerunt) compensent, pre-  
cor, meam insufficientiam.

Exopto, ut omnes creatu-  
ræ, quas tres pueri in for-  
nace illæsi invitârunt, omni  
& perenni affectu laudent te  
DEUM, intrâ me habitan-  
tem, per quem ab æterno  
incendio liberatus sum.

Magnus es Domine, &  
laudabilis nimis. Desidero

om-

omnes vitæ meæ respiratio-  
nes tibi eas esse laudes, &  
gratiarum actiones, quas o-  
mnes tibi Cœlites æternùm  
offerunt.

*Oblatio.*

**L**iberalissime Deus, qui te  
mihi in cruce obtulisti,  
& in Eucharistia jam dedi-  
sti: me etiam tibi totum of-  
fero.

Renovo, & confirmo vota  
mea, & omnia tibi serviendi  
desideria.

Atque, ut divinissimas E-  
pulas non sinè symbolo sum-  
pserim, meam adhuc hodie  
sensualitatem, & amorem  
proprium in aliquo vincam;

ut

ut  
ptio  
M  
cep  
meu  
hab  
G  
ciat  
age  
pere  
est f  
G  
crea  
lum  
H  
ut in  
tuo  
min  
R  
bitri

ut oblatus DEO firm acceptior.

Nihil mundanum deinceps & vanum recipiet cor meum, in quo, mi Deus, habitas.

Quis Deum è calice ejiciat, ut finum includat? hoc agerem, si in animam reciperem peccatum, quod Deo est summè contrarium.

Quidquid est erga me & creaturas affectûs, in te solum transfero.

Habeto clavim cordis mei, ut ingrediaris & disponas pro tuo arbitrio plenus illius Dominus.

Resigno me juxta tuum arbitrium ad vitam, vel mortē.

K

Et

Et quid magnum est, quòd in manus Salvatoris mei amantissimi me committam: qui se in carnificum rabiem pro me obtulit; & pro vita mea mortuus est: quod majus est, quàm si Rex necem subiret, nè muscà mactaretur.

Quæ commutatio, quòd pro Domino servum, pro Deo reddam me hominem peccatorem?

Dilectissimum proinde tibi tuum, & Virginis Filium mihi intimè unitum, terræ, cœlique thesaurum, & velut rem meam offero, Pater clementissime; ut in eo tibi perfectè complaceas.

*Pe-*

O

pro  
& c  
fti.

P

parc

D

ctor  
fissim

per

meri

vitia

tisfac

torum

D

tuâ li

pecca

grati

*Petitio.*

**O** Clementissime Deus! nè  
projicias me à facie tua,  
pro cujus salute te abjecisti;  
& cui te in alimoniam dedi-  
sti.

Parce, Pater amantissime,  
parce filio prodigo.

Da veniam omnium deli-  
ctorum meorum, per pretio-  
sissimum Filii tui sanguinem,  
per vulnera, per omnia ejus  
merita precor. Hæ sunt di-  
vitiae, quas tibi offero in sa-  
tisfactionem meorum debi-  
torum.

Da, ut divinâ præsentia  
tuâ liberer ab omni prorsus  
peccato, & replear donis  
gratiæ tuæ.

K 2

Da

Pe-

Da gratiam emendandi omnes etiam minimos defectus, maximè hunc, contra quem examen particulare facio. Vides, quàm sum fragilis! Ego quidem lapsum cavere propono, sed tamen labor. Suppone manum tuam Domine.

Da, ut è rebus terrenis me expediam; fræna inordinatos affectus meos.

Da, ut mihi moriar: & tibi soli vivam.

Eripe me de inimicis meis. Parâsti in conspectu meo mensam adversùs eos, qui tribulant me. Do tibi, ô! Domine, omnem illam laudem, quam in æternum dare potuif-



potuissent infames illi spiritus, qui me, meos, totumque mundum oppugnarunt, & sunt oppugnaturi.

Da gratiam ordinaria opera perfectius peragendi maximè hoc N. Cupio tibi servire deinceps in iustitia, & sanctitate.

Da auxilium perfectè servandi vota, proficiendi in virtutibus vocatione mea dignis.

Robora memoriam, intellectumque juxta muneris mei exigentiam illumina, & voluntatem tui amore inflama.

Cor mundum crea in me Deus, & spiritum rectum innova in visceribus meis. Co-

K 3

habe,

hibe, per potum felleum, omnem concupiscentiam.

O humilis JESU, qui te ad species panis, & vini demittis, & à multis indignè tractaris; qui etiam ad me indignissimum venisti: da mihi humilitatem per omnem tuam demissionem.

O Domine, qui in horto sanguineo cum sudore oràsti; fac, ut laudem te ex toto corde. Nè dormitet anima mea in tuo cultu, & servitio.

O JESU patientissime, per alapas, flagella & per innumeras, quas pro me perpeffus es injurias, te obtestor: da mihi patientiam, & mansuetudinem. O

O mi Salvator: concede mihi, quod deest ad felicem mortem; cui tam vicinus sum; ut hodie evenire possit.

Per tuum agonem, & tres in cruce horas, miserere mei in illo mortis articulo, à quo pendet æternitas.

Pone etiam inter justitiam tuam, & peccatricem animam meam, cum ad tribunal tuum venerit, sacratissimi sanguinis tui pretium.

Denique sis in omnibus mihi omnia: Dux in dubio, Magister in scientiis, virtus in tentationibus, Medicus in ægitudine, Solamen in angustis, Clypeus in adversitate, Salus in agone.

Per eandem charitatem, quâ dilexisti mundum, miserere omnium, pro quibus mori dignatus es. Applica Passionis tuæ uberrima merita iis, pro quibus orare soleo, ac teneor, juxta priorē, & hodiernam meam intentionem: omnibûsque aliis. Largire vitam beatam defunctis, in qua plenius, pro me etiam, te laudent, & ament: gratiam vivis: quâ tibi magis placeant, per merita Beatæ Virginis tuæ Genitricis, & omnium Sanctorum. Quæ tibi tuis unita meritis offero, repræsentanda æterno Patri.

O Augusta Virgo Mater!

quæ

quæ dignè portâsti eum,  
quem nunc suscepi: impe-  
tra illa, quæ Filius tuus vult,  
& scit mihi, meisque optima.  
Impetra etiam veniam pro  
tepida tanti Hospitis susce-  
ptione.

Denique, ô Sancte Tute-  
laris Angele! S. Joseph, S.  
Joannes, S. Ignati, S. Xave-  
ri, SS. Patroni, Divi hodie-  
ni, Sancti Menstrui, omnes-  
que Sancti & Sanctæ Dei,  
qui per mortalitatis pelagus  
ad portum æternæ felicitatis  
pervenistis securi de vobis;  
de periclitantibus nobis, per  
vestra merita vos precor, e-  
stote solliciti. Impetrate pre-  
cibus vestris, ut panis Eucha-  
ri-

risticus sit mihi, meisque ro-  
bur in infirmitatibus peri-  
culisque animæ ac corporis,  
ut in fortitudine Cibi hujus  
ambulemus per mundi de-  
sertum usque ad montem  
Dei, & patriam cœlestem:  
ubi copia sinè defectu, fatie-  
tas sinè ulla interruptione,  
gloria sinè invidia, securitas  
sinè periculo, vita sinè mor-  
te, bonum omne sinè fine.  
Amen.

Ad extremum, ô amantis-  
sime JESU, supplex te rogo  
per virtutem sacratissimi cor-  
poris & sanguinis tui abstra-  
he cor meum totaliter ab  
amore hujus sæculi, & crea-  
turarum omnium, quæ inme-  
perfe-

perfectum tui amorem, &  
fructum hujus Sacramenti  
impediunt; méque tibi inti-  
mè unias, atque incorpores,  
ut unus tecum efficiar Spiri-  
tus; ut tu in me, & ego in  
te, maneam in æternum, ô  
Vita animæ meæ! ô Deus me-  
us! ô omne bonum meum!  
Amen.

---

### Breviores affectus.

*Ante S. Communionem fru-  
ctuosè eliciendi.*

**O** Mi JESU! Agnus Dei!  
JESU miserere mei,  
Peccatoris maximi!

Dolet meum cor malignum,  
Quòd te DEUM tam beni-  
gnum, vel

Vel semel offenderim.  
Nolo, nolo jam peccare,  
Sed te, mi JESU, amare  
Volo totis viribus.

At Domine non sum dignus, *potes sic orare* :

Non sum dignus, non sum dignus,

Ut tu DEUS tam benignus,  
Cordis mei Hospes sis.  
Non sum dignus, sed te tamen

Cordis unicum solamen,  
Mi JESU desidero!

Veni JESU, & dignare  
Peccatorem satiare

Corpore, & Sanguine.

*In Ipsa S. Communione.*

Jam, quod quæsi, video.

Quod concupivi, teneo,  
Amo-



Amore JESU langueo,  
Et corde totus ardeo.

*Degluti mox Hostiam, & dic:*  
Affectu MARIÆ Matris,  
Et Josephi tui Patris,  
Te JESU suscipio.

Omnes actus Angelorum,  
Omnes affectus Sanctorum,  
Tibi JESU offero.

*Deinde postquam deglutivisti.*  
Infra cor meum te pono,  
Mèque tibi totum dono.

Sim tuus, & tu meus.  
Sis mi JESU, benedictus,  
Iterumque benedictus,  
Sis mi JESU millies.

Quod sis factus cibus, po-  
tus,

Imò quòd sis meus totus,  
Sub hac panis specie.

In te credo, in te spero,  
Amo te corde sincero,  
Aino, amo, amo te.  
Me ad tuos sterno pedes,  
Vulnerum adoro fedes,  
Latus tuum osculor.  
Quidquid vis, hoc ego  
volo,  
Quidquid non vis, ego  
holo,  
Tibi me subjicio.  
Quoquò vis, eò me voca,  
Et in illo statu loca,  
In quo tibi placeam.  
Moribus fac, sim maturus,  
Corde, sensibúsq; purus,  
Simultatis nescius.  
Humilis, pauper, pudicus,  
Voluptatum inimicus,  
Patiens, & candidus.  
Quid-

Quidquid loquar, cogita-  
bo,

Agam, patiar, amabo

Te DEUS in omnibus.

*Affectus S. Ignatii.*

**A** Nima Christi sanctifica  
me,

Corpus Christi salva me,

Sanguis Christi inebria me,

Aqua lateris Christi lava me,

Passio Christi conforta me,

O bone JESU exaudi me,

Intra vulnera tua absconde  
me,

Nè permittas me separari à  
te,

Ab hoste maligno defende  
me,

In hora mortis meæ voca me,

Et jube me venire ad te,

L 2 Ut

Ut cum Sanctis tuis laudem  
te,

In sæcula sæculorum, Amen.

*Affectus S. Xaverii.*

**O** Deus! ego amo te;  
Nec amo te, ut salves  
me,

Aut, quia non amantes te  
Æterno punis igne.

Tu, tu mi JESU totum me  
Amplexus es in cruce;

Tulisti clavos, lanceam,  
Multamque ignominiam,

Innumeros dolores,

Sudores, & angores,

Ac mortem; & hæc propter  
me,

Ac pro me peccatore.

Cur igitur non amem te?

O JESU amantissime!

Non

Non ut in cœlo salves me,  
Aut nè æternùm damnes  
me,

Nec præmii ullius spe;  
Sed sicut tu amâsti me,  
Sic amo, & amabo te,  
Solùm quia Rex meus es,  
Et solùm quia Deus es.

*Affectus S. Thomæ Aquina-  
tis.*

**A** Doro te devotè, latens  
Deitas,

Quæ sub his figuris verò  
latitas;

Tibi se cor meum totum sub-  
jicit,

Quia te contemplans to-  
tum deficit.

Visus, gustus, tactus, in te  
fallitur:

**L 3**

Sed

Sed auditu solo tutò creditur.

Credo, quidquid dixit Dei  
Filius :

Nil hoc verbo veritatis verius.

In cruce latebat sola Deitas ,  
Sed hìc latet simul & humanitas :

Ambo tamen credens, atque  
confitens,

Peto, quod petivit latro  
pœnitens.

Plagas, sicut Thomas, non  
intueor;

DEUM tamen meum te  
confiteor.

Fac me tibi semper magis  
credere!

In te spem habere, te diligere,      O

O memoriale mortis Domi-  
ni,

Panis vivus, vitam præ-  
stans homini :

Præsta meæ menti de te vi-  
vere,

Et te illi semper dulcè sa-  
pere.

Pie Pelicane, Jesu Domine,  
Me imundum munda tuo  
sanguine ;

Cujus una stilla saluum fa-  
cere

Totum mundum quit ab  
omni scelere.

JESU, quem velatum nunc  
aspicio,

Oro, fiat illud, quod tam  
sitio,

Ut

Ut te revelata cernens facie,  
Visu sim beatus tuæ glo-  
riæ, Amen.

*Affectus S. Augustini.*

**D**omine JESU, noverim  
te, noverim me,  
Nec aliquid cupiam, nisi te,  
Ut oderim me, & amem te.  
Quidquid amem, sit propter  
te.

Humiliem me, exaltem te.  
Nihil cogitem, nisi te.  
Mortificem me, & vivam in  
te.


Quæcunque eveniunt, acci-  
piam à te.

Persequar me, sequar te,  
Sempérque optem sequi te:  
Fugiam me, confugiam ad te.  
Dignus sim defendi à te.

Ti-



Timeam mihi, timeam te.  
Símque de electis à te.  
Diffidā mihi, confidā in te,  
Obedire velim propter te.  
In nullo afficiar, nisi in te.  
Aspice me, ut diligam te.  
Voca me, ut videam te,  
Et in æternum potiar te.




## Oratio

*Ad Christum Crucifixum pro  
felici morte.*

**A**D te Domine JESU  
Christe, Fili Dei vivi,  
Deus cordis mei! ad te cla-  
mo, & suspiro, indignissi-  
mus famulus tuus, pro quo  
non dubitasti manibus tra-  
di nocentium, & crucis sub-  
ire

ire tormentum: A Tua im-  
mensa bonitate & clementia,  
per sanctissima illa quinque  
vulnera, quæ tibi in Cruce  
nostri amor infixit, per a-  
cerbissimos dolores tuos, per  
sanctissimam passionem, &  
mortem tuam, & præsertim  
per amaritudinem illam,  
quam sustinuiſti in Cruce,  
dum benedicta anima tua de  
sanctissimo corpore tuo e-  
grediebatur, peto supplici-  
ter: miserere in egressu suo,  
afflictæ animæ meæ, quam  
pretioso sanguine redemiſti;  
Dic Patri tuo pro me mo-  
riente: *Pater dimitte illi.*  
Dic Matri tuæ: *Ecce filius*  
*tuus.* Dic animæ meæ: *Ho-*  
*die*

m-  
tia,  
que  
ucc  
a-  
per  
&  
tim  
m,  
ce,  
de  
e-  
lici-  
suo,  
uam  
isti;  
mo-  
illi.  
filius  
Ho-  
lie



Biblioteka Jagiellońska



stdr0008679

